



JORNAL

do

Parlamento Nacional

IV LEGISLATURA

1.ª SESSÃO LEGISLATIVA (2017-2018)

REUNIÃO PLENÁRIA DE 11 DE SETEMBRO DE 2017

Presidente: Ex.^{mo} Sr. Aniceto Longuinho Guterres Lopes

Vice-Presidentes: Ex.^{mos} Srs. Júlio Sarmento da Costa e
António Verdial de Sousa

Secretária: Ex.^{ma} Sr.^a Lídia Norberta Dos Santos Martins

Vice-Secretárias: Ex.^{mas} Sr.^{as} Elvina Sousa Carvalho e
Angélica da Costa

SUMÁRIO

Sr. Presidente loke sessão plenária iha tuku 9 liu minuto 50 dadeer hodi saúda Sr.^a Deputada no Sr. Deputado sira no halo leitura ba agenda de trabalho loron ne'e nian.

Antes de Ordem Do Dia — Sr.^a Secretária da Mesa (Lídia Norberta dos Santos Martins) halo leitura ba carta pedido substituição temporária hussi Sr. Deputado Dionísio Babo Soares, Sr.^a Deputada Veneranda Lemos no Sr.^a Deputada Maria Terezinha Viegas (CNRT) no Sr. Deputado Mari Bin Amude Alkatiri (FRETILIN). Hala'o mós leitura ba carta de justificação antecipada de faltas

hussi Deputado na'in-tolu CNRT nian ne'ebé temi iha leten no Sr.^a Deputada Virgínia Ana Belo (CNRT) nian. Halo mós leitura ba carta kona-ba composição Mesa Bancada Parlamentar nian hussi partido FRETILIN, CNRT no PD.

Iha intervenções diversas, Sr.^a Florentina da Conceição Pereira Martins Smith (FRETILIN) hussu kona-ba calendário realização Seminário Acolhimento ba Deputado foun sira no nia questiona mós ba fatin, Sala de Conferências, ne'ebé la suficiente atu acumula Deputado sira hotu. Ikusliu, Sr. Presidente hatán kedas katak

seminário ne'e sei hala'o iha semana tuirmai no sei hala'o iha Sala Plenário nian.

Ordem Do Dia — Discussão, votação no aprovação ba Projeto de Deliberação n.º 2/IV-Constituição das Comissões Especializadas Permanentes.

Tuirmai, Deputado no Deputada sira ne'ebé halo intervenção mak sira tuirmai ne'e:

Sr.^a Florentina da Conceição Pereira Martins Smith (FRETILIN); Sr. Arão Noé de Jesus Amaral no Sr.^a Maria Rosa da Câmara «Bi Soi» (CNRT); Sr. Joaquim dos Santos (FRETILIN); Sr. Luís Roberto da Silva (KHUNTO); Sr. Osório Florindo da Conceição Costa (FRETILIN); Sr. Demétrio do Amaral de Carvalho no Sr. Merício Juvenal dos Reis (PLP); Sr.^a Carmelita Caetano Moniz (CNRT);

Sr. Francisco Miranda Branco, Sr.^a Maria Angélica Rangel dos Reis no Sr. Osório Florindo da Conceição Costa (FRETILIN); Sr. Fidelis Manuel Leite Magalhães (PLP); Sr.^a Brígida Antónia Correia no Sr. Eduardo de Deus Barreto (CNRT); Sr. Abel Pires da Silva (PLP); Sr.^a Angélica da Costa no Sr.^a Ilda Maria da Conceição (FRETILIN); Sr.^a Maria Angelina Lopes Sarmiento (PLP); Sr. Jacinto Rigoberto Gomes de Deus (CNRT); Sr.^a Maria Teresa S. Gusmão (PD) no Sr.^a Maria Fernanda Lay (CNRT).

Sr. Presidente taka sessão plenária iha tuku 1 liu minuto 23 loraik.

Sr. **Presidente**: — Bom dia, Sr.^{as} Deputadas e Srs. Deputados.

Reunião Plenária de segunda-feira, 11 de setembro de 2017, ho agenda atualizada ne'ebé iha ona Srs. Deputados nia mesa. Ita começa atrasa tanba ohin Mesa mós hein hela quórum. Deputado seidak iha hotu karik, maibé Regimento fó dalan, bele hahú Plenária quando iha ona quórum de funcionamento. E ha'u haree quórum de funcionamento iha ona, tanba ne'e ita bele hahú daudaun itania Plenário ohin nian.

Horas hatudu tuku 9 liu minuto 50 dadeer.

Ha'u declara aberta Plenária segunda-feira, 11 de setembro de 2017, ho agenda ne'ebé tuirmai:

Iha «Período de Antes da Ordem Do Dia:

1. Pedido de justificação temporária dos Srs. Deputados Dionísio Babo Soares, Maria Terezinha Viegas, Mari Bin Amude Alkatiri e Veneranda Lemos;
2. Pedido de justificação de faltas da Sr.^a Deputada Virgínia Ana Belo;
3. Leitura das cartas do Partido FRETILIN, do Partido PD e do Partido CNRT sobre a composição da Mesa das Bancadas Parlamentares;
4. Declarações Políticas das Bancadas Parlamentares;
5. Intervenções diversas dos Srs. Deputados.

Período da Ordem do Dia:

1. Discussão e votação do Projeto de Deliberação n.º 2/IV- Constituição das Comissões Especializadas Permanentes.
2. Discussão e votação do Projeto de Deliberação n.º 3/IV- Constituição da Comissão Permanente.
3. Eleições dos membros do Conselho de Administração.».

Iha número 3 agenda nian, Período da Ordem do Dia ne'e, iha-ne'e hakerek eleição, maibé apenas atu hussu de'it ba bancadas parlamentares atu indigita membro ne'ebé atu compõe Conselho de Administração. Conselho de Administração ne'e iha cinco membros, cada bancada tem que iha ninia representação ida. Então, se ita agora, iha Legislatura ida-ne'e, iha cinco bancadas parlamentares, bancada ida-idak indigita Deputado ida atu compõe Conselho de Administração. Ha'u hein katak antes Plenária ida ohin nian remata, Mesa bele simu ona naran Deputado hussi bancada ida-idak nian ne'ebé atu compõe Conselho de Administração e anuncia kedas antes de encerra Plenária ida-ne'e. Ne'e mak agenda, ita hahú kedas ho Período de Antes da Ordem do Dia, primeira agenda parte ida-ne'e nian.

Sr.^a Secretária halo favor halo leitura ba pedido de substituições temporárias Deputado sira-nian.
Halo favor.

Sr.^a **Secretária da Mesa** (Lídia Norberta dos S. Martins): — Bom dia.

Primeira Carta hussi «Partido Congresso Nacional de Reconstrução de Timor-Leste
Hato’o ba S. Ex.^a Presidente Parlamento Nacional, Dr. Aniceto Longuinhos Guterres Lopes.

Assunto: substituição temporária.

Excelência,

Liuhossi carta ida-ne’e, Partido CNRT hato’o ba Sua Excelência pedido hussi Deputado titular na’in-rua mak hanessan Dr. Dionísio Babo Soares no Dr.^a Veneranda Lemos hussi Partido CNRT, kona-ba substituição temporária hahú hussi loron 8 to’o 30 de setembro, tuir termo alínea *a*), artigo 4.º no ponto 2, artigo 5.º Lei n.º 5/2004, de 5 de maio, Estatuto dos Deputados no artigo 5.º Regimento Parlamento Nacional, kona-ba substituição temporária.

Baseia ba termos iha ponto 1 no n.º 2, artigo 9.º Lei 5/2004, de 5 de maio, maka Partido CNRT hato’o ba Sua Excelência naran hussi candidato la eleito sira tuir ordem precedência iha lista candidato Parlamento Nacional hussi Partido CNRT ba Eleição Parlamentar 2017. Naran sira ne’ebé sei substitui temporariamente Deputado ka Deputada na’in-rua iha leten maka hanessan tuirmai:

1. Deputado Dr. Dionísio Babo Soares sei substitui hussi Sr. Firmino Taequi ho número 28 tuir lista candidatura Partido CNRT.

2. Deputada Dr.^a Veneranda Lemos sei substitui hussi Sr. Domingos Lopes Lemos ho número 29 iha lista candidatura Partido CNRT.

Mak ne’e de’it, ba Sua Excelência nia atenção, ami hato’o obrigado wa’in.

Francisco Kalbuady Lay,

Secretário-Geral Partido CNRT.».

Segunda carta hussi «Partido CNRT

Hato’o ba S. Ex.^a Presidente Parlamento Nacional, Dr. Aniceto Longuinhos Guterres Lopes.

Assunto: substituição temporária.

Excelência,

Liuhossi carta ida-ne’e, Partido CNRT hato’o ba Sua Excelência pedido hussi Deputado titular Sr.^a Maria Terezinha Viegas hussi Partido CNRT, kona-ba substituição temporária hahú hussi loron 8 to’o 30 de setembro, tuir termo alínea *a*), artigo 4º no ponto 2, artigo 5.º Lei n.º 5/2004, de 5 de maio, Estatuto dos Deputados no artigo 5.º Regimento Parlamento Nacional, kona-ba substituição temporária.

Baseia ba termos ponto 1, no n.º 2, artigo 9.º Lei 5/2004, de 5 de maio, mak Partido CNRT ható'o ba Sua Excelência naran hussi candidato la eleito, Sr.ª Bendita Moniz Magno ho número 27 tuir lista candidato Parlamento Nacional hussi Partido CNRT nian tuir ordem precedência iha lista candidato Parlamento Nacional hussi Partido CNRT ba Eleição Parlamentar 2017, mak sei substitui temporariamente Deputada titular Sr.ª Maria Terezinha Viegas.

Mak ne'e de'it, ba Sua Excelência nia atenção, ami ható'o obrigado wa'in.

Francisco Kalbuady Lay,
Secretário-Geral Partido CNRT.».

Primeiro requerimento: «Requerimento de Justificação Antecipada de Faltas e Pedido de Substituição Temporária

Maria Terezinha Viegas, Deputada ao Parlamento Nacional pertencente à Bancada CNRT, pretendendo ausentar-se por mais de três dias consecutivos por motivo de atividades profissionais, vem requerer a V. Ex.ª a justificação antecipada das faltas e a sua substituição temporária pelo candidato não eleito que se lhe seguir na respetiva lista, o que faz nos termos e para os efeitos previstos nos artigos 4.º, alínea a), 5.º e 9.º n.º 1, da Lei n.º 5/2004, de 5 de maio (Estatuto dos Deputados), 15.º da Lei 6/2006, de 28 de dezembro (Lei Eleitoral para o Parlamento Nacional) e 5.º do Regimento do Parlamento Nacional (publicado no *Jornal da República*, série I, n.º 40, de 11 de novembro de 2009).

Data, 7 de setembro de 2017.

Assinada pela Deputada Maria Terezinha Viegas,

O responsável do Partido, Primeiro Adjunto do Secretário-Geral, Jacinto Rigoberto Gomes de Deus.».

Segundo requerimento: «Requerimento de Justificação Antecipada de Faltas e Pedido de Substituição Temporária.

Dionísio Babo Soares, Deputado ao Parlamento Nacional pertence à Bancada CNRT, pretendendo ausentar-se por mais de três dias consecutivos por motivo de atividades profissionais, vem requerer a V. Ex.ª justificação antecipada das faltas e a sua substituição temporária pelo candidato não eleito que se lhe seguir na respetiva lista, o que faz nos termos e para os efeitos previstos nos artigos 4.º, alínea a), 5.º e 9.º, n.º 1, da Lei n.º 5/2004, de 5 de maio (Estatuto dos Deputados), 15.º da Lei 6/2006, de 28 de dezembro (Lei Eleitoral para o Parlamento Nacional) e 5.º do Regimento do Parlamento Nacional (publicado no *Jornal da República*, Série I, n.º 40, de 11 de novembro de 2009).

Data, 8 de setembro de 2017.

Assinado pelo Deputado Dionísio Babo Soares e aprovado pelo Primeiro Adjunto do Secretário-Geral, Jacinto Rigoberto Gomes de Deus.».

Terceiro requerimento: «Requerimento de Justificação Antecipada de Faltas e Pedido de Substituição Temporária.

Veneranda Lemos, Deputada ao Parlamento Nacional pertencente à Bancada CNRT, pretendendo ausentar-se por mais de três dias consecutivos por motivo de atividades profissionais, vem requerer a V.Ex.^a a justificação antecipada das faltas e a sua substituição temporária pelo candidato não eleito que se lhe seguir na respetiva lista, o que faz nos termos e para os efeitos previstos nos artigos 4.º, alínea a), 5.º e 9.º, n.º 1, da Lei n.º 5/2004, de 5 de maio (Estatuto dos Deputados), 15.º da Lei 6/2006, de 28 de dezembro (Lei Eleitoral para o Parlamento Nacional) e 5.º do Regimento do Parlamento Nacional (publicado no *Jornal da República*, Série I, n.º 40, de 11 de novembro de 2009).

Data, 8 de setembro de 2017.

Assinada pela Deputada Veneranda Lemos, e aprovado pelo Primeiro Adjunto do Secretário-Geral, Jacinto Rigoberto Gomes de Deus.».

Último requerimento: «Requerimento de Justificação Antecipada de Faltas e Pedido de Substituição Temporária.

Virgínia Ana Belo, Deputada ao Parlamento Nacional pertencente ao Partido CNRT, pretendendo ausentar-se por mais de três dias consecutivos por motivo de saúde fora do País, vem requerer a V.Ex.^a a justificação antecipada das faltas e a sua substituição temporária pelo candidato não eleito que se lhe seguir na respetiva lista, o que faz nos termos e para os efeitos previstos nos artigos 4.º, alínea a), 5.º e 9.º, n.º 1, da Lei n.º 5/2004, de 5 de maio (Estatuto dos Deputados), 15.º da Lei 6/2006, de 28 de dezembro (Lei Eleitoral para o Parlamento Nacional) e 5.º do Regimento do Parlamento Nacional (publicado no *Jornal da República*, Série I, n.º 40, de 11 de novembro de 2009).

Data, 8 de setembro de 2017.

Assinada pela Deputada Virgínia Ana Belo, e aprovado pelo Primeiro Adjunto do Secretário-Geral, Jacinto Rigoberto Gomes de Deus.».

Obrigada.

Sei iha tan pedido rua, ida carta mai hussi FRETILIN:

«Ex.^{mo} Sr. Presidente do Parlamento Nacional, Dr. Aniceto Guterres.

Excelência, na sequência do pedido da substituição do Sr. Deputado Mari Bin Amude Alkatiri, a Bancada da FRETILIN vem solicitar a V. Ex.^a a sua substituição temporária pela Sr.^a Maria Anabela Sávio, candidata n.º 26 da lista da Comissão Nacional de Eleições, a partir do dia 7 de agosto de 2017,

nos termos dos n.º 1 e 2 do artigo 5.º e n.º 1 do artigo 9.º da Lei n.º 5/2004, de 5 de maio sobre Estatuto dos Deputados e ainda n.º 1 do artigo 5.º do Regimento do Parlamento Nacional.

Sem mais outro assunto de momento, aproveito para endereçar a V. Ex.^a os meus melhores cumprimentos.

Fausto Freitas da Silva, Vice-Presidente da Bancada da FRETILIN.

Último, mai hussi Bancada CNRT:

«Hato' o ba S. Ex.^a Presidente do Parlamento Nacional, Dr. Aniceto Longuinhas Lopes.

Assunto: Informação.

Ho respeito, liuhossi carta ida-ne'e Bancada partido CNRT informa ba S. Ex.^a katak composição mesa, estrutura Bancada partido CNRT ba período 2017 to'o 2022, ho naran mak hanessan tuirmai ne'e:

1. Presidente: Deputado Arão Noé de Jesus da C. Amaral.
2. Vice-Presidente: Deputada Maria Teresinha da Silva Viegas.
3. Vice-Presidente: Deputado Jacinto Rigoberto Gomes de Deus.

Mak ne'e de'it, ba S. Ex.^a nia atenção no cooperação di'ak, la haluha ha'u hato'o obrigado wa'in.

Deputado Arão Noé da C. Amaral,

Presidente da Bancada CNRT, Parlamento Nacional.».

Sr. Presidente: — Obrigado, Sr.^a Secretária.

Ita-nia Secretária sei foun ne'ebé lê hussi rohan ba rohan, agora, até ita tama tiha ona ba iha n.º 3 agenda nian. Mas, antes to'o iha-ne'ebá, ita halo hotu lai n.º 1 ho n.º 2 agenda nian, que n.º 1 ho n.º 2 ne'e buat rua liga malu, tanba substituição sira-ne'e liga ho justificação de falta sira ne'ebé Deputado sira-nian.

Nune'e, Sr.^{as} e Srs. Deputados, ha'u convida Sr. Deputado Firmino Taequi mai hola fatin.

Basa liman hussi Deputado sira.

Bom dia e bem-vindo, Sr. Deputado.

Tuirmai, ha'u convida Sr. Deputado Domingos Lopes Lemos. Halo favor hola fatin.

Basa liman hussi Deputado sira.

Bom dia e bem-vindo, Sr. Deputado.

Tuirmai, hussi Bancada FRETILIN, ha'u convida Sr.^a Deputada Maria Anabela Sávio atu hola fatin iha Deputado Mari Alkatiri nian.

Basa liman hussi Deputado sira.

Bem-vinda, Sr.^a Deputada.

Tuirmai, ha'u convida Sr.^a Deputada Bendita Moniz Magno.

Basa liman hussi Deputado sira.

Sr.^a Deputada, bom dia e bem-vinda.

Ita bele continua ka lae? Ka sei halo tan bem-vindo tan dala ida?

Ita continua halo leitura, tuir n.º 3 agenda nian ne'e halo leitura ba carta sira ne'ebé mai hussi bancadas parlamentares.

Sr.^a Secretária, halo favor, continua halo leitura.

Sr. **Secretária da Mesa** (Lídia Norberta dos Santos Martins): — «Ex.^{mo} Sr. Presidente do Parlamento Nacional, Dr. Aniceto Longuinhos Guterres Lopes.

Excelência, Bancada Parlamentar da FRETILIN vem, respeitosamente, enviar a V. Ex.^a, em anexo, as listas dos Deputados da composição da mesa da Bancada Parlamentar da FRETILIN, comissões especializadas permanentes e os grupos parlamentares no período do mandato de 2017 a 2022.

Sem mais outro assunto de momento, endereçamos a V. Ex.^a os nossos melhores cumprimentos.

Josefa Álvares Pereira Soares Vice-Presidente da Bancada da FRETILIN».

«Lista da composição da mesa da Bancada da FRETILIN:

1. Francisco Miranda Branco é Presidente da Bancada.
2. Josefa Álvares Pereira Soares é Vice-Presidente da Bancada.
3. Fausto Freitas da Silva é Vice-Presidente da Bancada.».

Tuirmai hussi Bancada CNRT.

«Hato'o ba S. Ex.^a Presidente do Parlamento Nacional, Dr. Aniceto Longuinhos Guterres Lopes.

Ho respeito, liuhossi carta ida-ne'e, Bancada Partido CNRT informa ba S. Ex.^a katak Bancada nomeia membro Deputado na'in-rua hussi Bancada Partido CNRT ba Conselho de Administração Parlamento Nacional ba período 2017 to'o 2022 ho naran mak hanessan tuirmai ne'e:

1. Deputada Brígida Antónia Correia hanessan efetivo.
2. Deputado Patrocino Fernandes dos Reis hanessan suplente.

Mak ne'e de'it, ba Sua Excelência nia atenção no cooperação di'ak la haluha ha'u hato'o obrigado wa'in.

Deputado Arão Noé de Jesus da C. Amaral.

Presidente da Bancada CNRT no Parlamento Nacional.».

Ikusliu hussi Partido Democrático (PD).

«S. Ex.^a Presidente do Parlamento Nacional, Dr. Aniceto Longuinhos Guterres Lopes.

Ho respeito,

Liuhossi carta ida-ne'e hakarak hato'o ba S. Ex.^a Presidente katak Bancada Partido Democrático hola ona decisão hodi nomeia Deputado na'in-rua atu chefia Bancada Partido Democrático mak hanessan tuirmai ne'e:

1. Deputada Maria Teresa Gusmão nu'udar Chefe Bancada.
2. Deputado Adriano do Nascimento nu'udar Vice-Chefe Bancada.

Mak ne'e de'it, ba Ita-Boot nia atenção no serviço hamutuk, ami hato'o obrigado wa'in.

Eng. Mariano «Assanami» Sabino,

Presidente do Partido Democrático.».

Sr. Presidente: — Obrigado, Sr.^a Secretária.

Nune'e, Srs. Deputados, ita tama ba n.º 4 e 5 agenda nian, mas ha'u hakarak hatete uluk, tuir Regimento Plenária normal começa 9h00. Tanba quórum de funcionamento, quórum de deliberação, ohin ita começa atrasa, e que la devia atrasa se ita hakarak disciplina. Mas já que ita atrasa tiha ona, ohin kala ita bele tolera. Tanba ne'e Plenário normal, e sei iha fatin ba atu halo declarações políticas bancadas parlamentares nian ho intervenções diversas Srs. Deputados nian. Mas, agora 10h26, karik ita to'o um quarto para 11h00 ba agenda rua ne'e, agenda rua ne'ebé iha Período de Antes de Ordem do Dia. Por enquanto seidauk iha inscrição, seidauk iha pedido de informação ruma kona-ba declarações políticas bancadas parlamentares nian to'o agora, se la iha, nune'e ita bá kedas ona intervenções diversas dos Srs. Deputados.

Halo favor halo inscrição, Srs. Deputados ne'ebé hakarak halo intervenção iha Plenário dadeer ida-ne'e.

Ba colegas Deputados ne'ebé foin tuur iha Parlamento, ha'u hanoin lê tiha ona Regimento, intervenção diversa iha Período de Antes da Ordem do Dia ne'e nia duração ne'e 5 min.

Halo favor halo inscrições atu ita preenche tempo por volta de 30 min antes de ita tama ba Período da Ordem do Dia.

Sr.^a Deputada Florentina Smith, tem a palavra.

Sr.^a Florentina da Conceição Pereira Martins Smith (FRETILIN): — Bom dia ba Sr. Presidente, ba Vice-Presidente sira, ba Srs. membros da Mesa no Srs. Deputados.

Sr. Presidente, iha ami-nia mesa leten iha seminário ida ne'ebé ko'alia ba acolhimento administrativo ba Deputados IV Legislatura nian.

Sr. Presidente, haree ba horário ne'ebé fixa, aban hahú seminário ne'e e fatin mak Sala de Conferências. Então, ha'u atu hussu de'it, iha preocupação ida ne'ebé hakarak atu coloca, será que os 65 Deputados bá hotu ka ou foun de'it? Tanba, se ita haree ba fatin iha Sala de Conferências, ne'e muito limitado para toda a gente. Ne'ebe, ha'u hussu de'it explicação liga ho programa de acolhimento ba seminário ne'ebé Parlamento Nacional coloca ona iha Deputado sira-nia mesa leten.

Muito obrigada, Sr. Presidente.

Sr. Presidente: — Obrigado, Sr.^a Deputada.

Ohin ha'u haluha tiha atu adianta informação kona-ba programa ida-ne'e. Loloos programa ne'e atu hala'o começa aban, loron tolu, dia 12 até dia 14 de setembro, iha Sala do Plenário ida-ne'e. Maibé, infelizmente, tanba preparação seidauk di'ak, até disponibilidade ba orador sira mós seidauk hetan confirmação, então ha'u decide adia ba próxima semana, maibé ne'e la monu iha loron Plenária nian. Tanba, se dia 15 agora ita hahú ona, ita começa halo ona abertura ba Sessão Legislativa, claro que começa iha dia 18 ba oin ne'e Plenária normal, funcionamento normal Parlamento nian ne'e hahú. E ha'u lakohi impede Plenária normal sira iha segunda ho terça ninian, tanba ne'e mak tau ba quarta, quinta e sexta, dia 20, 21 e 22. Por enquanto informação mak ne'e. Programa ne'e nia importância ne'e ita hatene hotu ona, ne'e ba Deputado hotu-hotu, e precisa participação Deputado hotu-hotu nian. Ohin, oficialmente ita adia, adia ba próxima semana, obrigado.

Iha tan, Srs. Deputados? Se la iha, Srs. Deputados, agora ita foin começa, tuir loos intervalo ba café, ba *cocktail*, la iha – ohin ne'e café de'it, baibain, ho *snack* –, mas se Sr. Deputado sira hakarak *snack*, ida-idak bele bá foti. Tanba ita foin começa, ita la halo intervalo.

Ita tama kedas ona ba Período da Ordem do Dia: Discussão e votação do Projeto de Deliberação n.º 2/IV- Constituição das Comissões Especializadas Permanentes. Ne'e agenda ida ne'ebé pertinente e mós ita bele dehan urgente ba funcionamento Parlamento nian iha legislatura tomak, IV Legislatura nian. Tanba ita halo tiha ona marcação data ba abertura sessão legislativa nian, nune'e ohin ita tem que discute, ita tem que halo duni deliberação ba assunto importante ida-ne'e. Comissões especializadas ne'e órgão ne'ebé fundamental tebetebes ba funcionamento Parlamento Nacional nian.

Sr.^a Secretária, ohin iha Projeto de Deliberação ida, técnico sira seidauk fahe cópia ba Srs. Deputados. Fahe tiha ona?

Sr.^a Secretária (Lídia Norberta dos S. Martins): — Fahe tiha ona.

Sr. **Presidente**: — Mesa mak seidauk, Mesa ikus fali.

Sim, Projeto de Deliberação iha hotu Srs. Deputados nia mesa. Agora, tanba ne'e projeto, ha'u sei halo leitura ba Projeto ida-ne'e, depois nia anexo ne'e ha'u hanoin Srs. Deputados lê rassik, ne'e tanba ligado ho áreas temáticas cada comissão nian.

Hanessan introdução, antes de ha'u lê Projeto ne'e, iha mudança, la'ós mudança significativa maibé iha mudança balu iha-ne'e. Primeiro, kona-ba número comissões especializadas permanentes. Tuir projeto ne'ebé ha'u apresenta ne'e, número ne'e mantém ho sete comissões especializadas permanentes, A to'o G. To'o iha ninia matéria ka áreas de tutela, áreas temáticas, ne'e iha modificação balu, katak hussi comissão seluk nian coloca ba comissão seluk, ka hussi comissão ida ba comissão seluk. Por exemplo iha Comissão G, uluk Comissão G ne'e trata loos de'it ética, ne'e mak ita bolu naran Comissão de Ética, maibé assunto ida ética ne'e lori mai tau fali iha Comissão A. Depois Comissão G ne'e ho áreas temáticas ne'ebé ita haree iha anexo ne'e. Comissão G, Comissão de Cidadania, Juventude, Igualdade e Cultura. Juventude, igualdade e cultura ne'e, ne'e foti área temática hussi comissão seluk mak hatama iha-ne'ebá, mas ida fali foun, área temática ida ne'ebé foun ne'e mak ida cidadania nian ne'e. Ne'e ita compreende saida mak cidadania, Srs. Deputados, maibé ami hussi Mesa introduz parte ida cidadania ne'e, liuliu atu reforça mecanismo participação cívica cidadão sira-nian. Participação cívica, resumidamente, atu hatete ida-ne'e, ne'e atu loke espaço, atu reforça mecanismo participação cívica cidadão sira-nian.

Tanba ita hanoin dehan democracia ne'e bainhira ita vota tiha ona, hotu de'it iha urna ona, depois ita Deputado sira mak decide ona, halo decisão política sira-ne'e Deputado sira-nian. Ne'e mós democracia, maibé democracia ida ne'ebé di'ak liu ne'e parece ita dehan democracia ida participativo, democracia participativa. Visão ne'ebé orienta ami atu hatama área ida cidadania ne'e é para ba ida democracia participativa ne'e.

E Parlamento Nacional ninia Plano Estratégico ne'ebé agora iha Srs. Deputados nia mesa ne'e, iha-ne'ebá introdução ida-ne'e hetan enquadramento mós iha Plano Estratégico ne'e. Iha-ne'ebá Plano Estratégico ne'e ko'alia kona-ba abertura e transparência do Parlamento Nacional. Plano Estratégico ne'e mai kedas hussi Legislatura anterior, mai kedas hussi ne'ebá, e saida mak ita introduz ne'e hetan enquadramento iha Plano Estratégico mós. Maibé, orsida, se hakarak hetan explicação di'ak liu kona-ba tema ida-ne'e, ita-nia assessor Dr. Bruno bele ajuda explica ida-ne'e.

Mais ou menos mudança ka alteração ida ne'ebé ita la dehan boot, maibé karik ita dehan inovação mós, ida-ne'e mak inovação ida ne'ebé ita hakarak introduz iha ita-nia Legislatura ida-ne'e. Karik ho ida-ne'e ita bele halo diferença uitoan ho Legislatura anterior.

Ha'u rona informação, Srs. Deputados, se ita consegue introduz ida-ne'e, assessor sira dehan ba ha'u, parece Parlamento Nacional Timor-Leste ne'e mak primeiro Parlamento iha região Ásia nian

ne'ebé iha ninia comissão especializada ne'e trata e hala'ó buat ida-ne'e, cidadania. Mas, orsida, ne'e clarifica hussi assessor wainhira hala'ó apresentação quando Sr. Deputado sira necessita informação barak liután.

Iha mudança balu, ne'e Ita-Boot sira, Srs. Deputados, bele haree.

Nune'e, ne'e apenas introdução ba Projeto ida-ne'e, ha'u hakarak halo leitura hodi introduz keda ona Projeto de Deliberação ne'e.

«Projeto de Deliberação do Parlamento Nacional n.º2/IV – Constituição das Comissões Especializadas Permanentes.

No início de cada Legislatura, o Plenário do Parlamento Nacional, sob proposta da Mesa, ouvida a Conferência, delibera a constituição das comissões especializadas permanentes.

Esta deliberação determina a designação de cada comissão, o número de comissões constituídas e as respetivas competências.

De igual modo, fixa o número de Deputados de cada comissão especializada permanente e a sua distribuição pelas diferentes bancadas parlamentares.

Assim, nos termos do disposto no n.º 1 do artigo 27.º e no n.º 1 do artigo 30.º do Regimento do Parlamento Nacional, ouvida a Conferência dos Representantes das Bancadas Parlamentares, apresento o seguinte Projeto de Deliberação:

1. São constituídas sete comissões especializadas permanentes, com a seguinte denominação e composição: Comissão A, Comissão de Assuntos Constitucionais e Justiça, 11 membros; Comissão B, Comissão de Negócios Estrangeiros, Defesa e Segurança, 9 membros; Comissão C, Comissão de Finanças Públicas, 11 membros; Comissão D, Comissão de Economia e Desenvolvimento, 9 membros; Comissão E, Comissão de Infraestruturas, Comércio e Indústria, 9 membros; Comissão F, Comissão de Educação, Saúde e Assuntos Sociais, 9 membros; Comissão G, Comissão de Cidadania, Juventude, Igualdade e Cultura, 8 membros.

2. As áreas de competência específica de cada Comissão, no âmbito das quais exercem as competências consagradas regimentalmente, constam do Anexo I à presente deliberação, da qual faz parte integrante.

3. O número de Deputados de cada comissão e a sua distribuição pelas bancadas parlamentares constam do Anexo II à presente deliberação, da qual faz parte integrante.

Parlamento Nacional, 11 de setembro de 2017.».

Srs. Deputados, halo tiha ona leitura, agora ha'u passa ba Srs. Deputados atu halo apreciação, comentários, e até bele mós propostas de emenda, propostas de alteração ka buat ruma mai iha Mesa.

Halo favor, Srs. Deputados.

Sr. Deputado Arão Noé, halo favor.

Sr. **Arão Noé de Jesus Amaral** (CNRT): — Obrigado, Sr. Presidente.

Bom dia, Sr. Presidente, membros da Mesa, distintos Deputados no assistente sira.

Sim, kona-ba nova organização ba comissões especializadas permanentes ho mudança sira ne'ebé iha, ha'u hanoin preocupação ne'ebé iha mai kedas iha III Legislatura. Kona-ba competência Comissão G, ne'ebé Comissão de Ética, iha momento ne'ebá sem função ka competência ladún iha, tanba ne'e mak ho mudança ida-ne'e ita bele fahe competência sira-ne'e ba iha comissão hotu-hotu atu hotu-hotu bele iha knaar hanessan. Tanba ne'e mak, ha'u hanoin, preocupação ne'e bele responde ona saida mak mossu mai iha constituição das comissões especializadas permanentes ba IV Legislatura.

Agora, kona-ba assunto ne'ebé ha'u hakarak foti em relação ba número de Deputados ne'ebé aloca ba cada comissão, talvez ita soma total ne'e sai fali 66 Deputados. Se ita soma didi'ak sai 66 Deputados, tanba CNRT iha de'it 22, mas iha Comissão A iha 4, Comissão C 4, então nia total iha kraik ne'e iha nia impacto ba 66 Deputados. Agora se hakarak fó ba CNRT atubele iha direito extra ida para hetan...

Hamnassa hussi Sr. Deputado ne'e rassik.

... número ida a mais, *ok*, iha Plenária ami-nia bancada submete e ami hato'o obrigado barak, se ida-ne'e mak hakarak e intenção ba ida-ne'e. Ida-ne'e primeiro assunto.

Tuir loloos ne'e ita atu aprova constituição das comissões especializadas permanentes ne'e só depois de constituição do Governo, tanba Governo quando harii ona mak, depois, baseia ba ministério hira no sá matéria sira ne'ebé iha-ne'ebá mak reflete mai iha comissão sira, atu nune'e bele responde ka equilibra. Mas, pronto, se ita acomoda hotu ona área sira-ne'e iha comissão sira-ne'e, orsida Ministério ida bele audiência iha fatin rua-tolu. Por exemplo: se comissão ida-ne'e iha área ne'e nian, se iha matéria sira seluk iha comissão seluk maka Ministério ne'e, obrigatoriamente, quando comissão seluk convida, nia tem que participa tanba depende hussi especificação matéria iha competência comissão ida-idak nian, atu nune'e labele iha fali hanessan acontece iha III Legislatura katak tanbassá mak ministério ida bele iha audiência rua-tolu iha comissão rua-tolu. Ida-ne'e para bele hela ho claro tanba ita adianta tiha ona constituição das comissões especializadas permanentes antes de formação do Governo.

Ha'u hanoin ida-ne'e mak ha'u-nia comentário atu oinsá bele haree didi'ak.

Agora, kona-ba hanoin ida atu harii subcomissão iha Comissão A. Se ita considera ida-ne'e hanessan assunto ida-ne'ebé precisa trata, se di'ak liu ita formaliza para iha deliberação ne'e mós temi, katak fó dalan atu cria subcomissão iha Comissão A hanessan plano ne'ebé apresenta katak atu cria comissão rua iha-ne'ebá.

Ha'u hanoin ida-ne'e mak ha'u hakarak sugere em relação ba matéria sira-ne'e.

Obrigado barak, Sr. Presidente.

Sr. Presidente: — Obrigado, Sr. Deputado.

Antes ba Sr. Deputado Joaquim, iha ponto de ordem hussi Sr.^a Deputada «Bi Soi».

Ponto de ordem, minuto ida de'it.

Sr.^a Maria Rosa da Câmara «Bi Soi» (CNRT): — Obrigada, Sr. Presidente.

Sim, la to'ò minuto ida.

Ha'u retira filafali tanba Deputado Chefe Bancada CNRT ko'alia tiha ona kona-ba números Deputado nian.

Obrigada.

Sr. Presidente: — Número ne'e tuir loloos ne'e 64 de'it, la to'ò mós 65 tanba Presidente Parlamento la bele hola parte iha comissão ida. Mas orsida assessor sira ne'ebé trata questão ida-ne'e sei esclarece. Parece sura mak sala ka, ou keta buat ne'e nia iha explicação ruma iha-ne'ebá, ne'e orsida sira sei esclarece.

Sr. Deputado Joaquim dos Santos, halo favor.

Sr. Joaquim dos Santos (FRETILIN): — Obrigado, Sr. Presidente.

Bom dia.

Primeiro, ha'u atu sublinha de'it katak número atu fahe ba comissão ne'e hanessian ohin Sr. Presidente dehan tiha ona, 64 de'it.

Segundo, iha Comissão G ne'e hetan membro na'in-ualu, ne'e orsida iha prática decisão ne'e nia tendência ba empata ne'e boot, portanto comissão ne'e ita la bele constitui ho número par, ne'e tem que número ímpar.

Terceiro, Comissão A ho Ética ne'e, se ita transfere competência hussi Comissão de Ética ba Comissão A, então Comissão A nia título ne'e tem que aumenta tan liafuan Ética. Ha'u haree iha explanação iha Comissão A nian ne'e iha matéria tolu pertence ba Ética: mandato parlamentar, imunidades e incompatibilidades, impedimentos e conflitos de interesse e registo de interesses. Ne'ebe, se bele orsida nia título Comissão A nian ne'e em vez de «Assuntos Constitucionais e Justiça» de'it, mas aumenta tan «e Ética» para fó margem ba comissão, e aban-bainrua quando iha diretriz ruma kona-ba problemas incompatibilidades karik, iha referência base para bele forma Comissão Eventual dentro da Comissão A porque ba Comissão A sei la bele harii tan subcomissão. Portanto, se bele, harii Comissão Eventual dentro de comissão quando iha necessidade atu halo tratamento ba assunto específico, liuliu kona-ba ética.

Mak ne'e de'it.

Obrigado.

Sr. Presidente: — Sr. Deputado Luís Roberto, halo favor.

Sr. Luís Roberto da Silva (KHUNTO): — Ha'u-nia bom dia ba Sr. Presidente e no mós ba todos Vice-Presidentes, ba Secretariado no mós ba todos colegas Deputados e Deputadas.

Ida-ne'e Partido KHUNTO refere liu ba iha comissões especializadas permanentes. Tuir Partido KHUNTO ne'ebé ho bancada ne'ebé ki'ik no ho número ne'ebé ki'ik atu preenche ba critérios to'o Comissão G, ne'e la to'o. Então, iha-ne'ebá hussi Partido KHUNTO precisa dupla, duplo iha Comissão sira-ne'e hotu. Então, hussi Bancada Partido KHUNTO hato'o proposta ba Mesa atu previne dupla função no duplo trabalho. No mós atu assegura melhor resultado, Bancada KHUNTO hakarak hato'o proposta ida atu halo alteração ba comissão tolu, conforme modelo ne'ebé tuirmai: primeiro, halakon Comissão D, Economia e Ambiente. Segundo, altera Comissão C, de Finanças Públicas atu inclui mós Economia. Ba dala tolu, altera Comissão E, de Infraestrutura, Comércio e Indústria, atu inclui mós Ambiente.

Razão ba alteração ne'e tanba assunto ne'ebé relaciona ho economia no ação ne'ebé Governo foti iha área economia, área ne'e inclui política no sistema ba imposto. Orçamento governamental, receita financeira, juros, mercado emprego, no mós área sira seluk ne'ebé relaciona ho finanças públicas. Geralmente assunto economia interligado ho Ministério das Finanças ne'ebé iha responsabilidade mós ba Estado nia finanças, política económica no regulamento financeiro, ne'e duni Comissão C mak iha responsabilidade ba iha assunto ne'ebé menciona.

Tuirmai, assunto ne'ebé relaciona ho ambiente, inclui Governo nia política kona-ba proteção ba meio-ambiente. Formação ba conservação no proteção ba natureza no criatura animal; conservação ba recursos marinos no florestas; manutenção ba agricultura orgânica, clima, energia, diversidade biológica, poluição ba rai, bee no atmosfera. Assunto hirak-ne'e integrado ho Ministério das Infraestruturas, Comércio, Indústria no Agricultura. Ne'e duni Comissão E maka iha responsabilidade ba iha assunto ne'ebé menciona.

Ida-ne'e mak Partido KHUNTO nia proposta ba Mesa atubele haree ba iha comissão sira-ne'e. Tanba iha comissão lubuk ida-ne'ebé hanessian buat ida karik, iha nia relevância, halo nu'ussá para interligado entre comissão hirak-ne'e atu oinsá ita bele habadak hodi sai comissão ida para bele mós

inclui ita hotu-hotu, liuliu Partido KHUNTO ne'ebé foin tama, quando duplo ho função sira-ne'e, ne'e ami kbiit la to'o.

Obrigado barak.

Sr. Presidente: — Obrigado, Sr. Deputado.

Atu fô hanoin ba maluk Deputado sira, quando ita halo intervenção ne'e tem que haree ho tempo, horas ne'ebé hakerek iha-ne'e. Iha mean ida-ne'e, haree hussi dook ne'ebá bele hetan, tanba Regimento hatete katak ko'alia ba discussão sira-ne'e, ne'e minuto lima de'it. Razão tanba saida mak minuto lima? Tanba hotu-hotu ko'alia conforme a vontade, então ita nem resolve buat ida, ita la sai hussi fatin ne'e, ba cada assunto. Deputado hotu-hotu mós hakarak ko'alia barak, mas mak ne'e, tem que haree ho tempo.

Sr. Deputado, proposta mai Mesa ne'e, bom, Ita-Boot hato'o tiha ona, maibé quando halo proposta ne'e tem que escrito e ho justificação. Karik hakarak duni halo alteração hanessan proposta ne'ebé verbalmente Ita-Boot hato'o tiha ona ne'e, Sr. Deputado, Srs. Assessores iha-ne'e bele ajuda hodi facilita proposta alteração ruma ka prepara proposta alteração para submete mai iha Mesa. Ne'e tem que la'o tuir nia regras regimentais ba apresentação de propostas mai iha Mesa. Assessor e técnico sira iha DIPLIN (Divisão de Apoio Plenário) bele ajuda e bele facilita, mas ohin kedas ita la adia ba tempo seluk, pelo menos ohin iha Plenária ida-ne'e ita tem que resolve. Ne'e ha'u fô 15 min hanessan ne'e, por enquanto discussão sira seluk la'o daudauk, intervenção sira seluk nian ne'e bele la'o daudauk.

Sr. Deputado Osório Florindo, halo favor.

Sr. Osório Florindo da Conceição Costa (FRETILIN): — Obrigado, Sr. Presidente, bom dia.

Ha'u hanoin temática sira-ne'e tem que haree didi'ak.

Ha'u aceita ba formação Governo, mas ha'u hanoin bele forma Governo hanu'ussá mós, nia política, nia organograma, ha'u hanoin, la sees hussi saida mak ita halo ona, liga ba comissão temática sira ne'ebé iha.

Preocupação ha'u nian mak ha'u hanoin ita tem que haree didi'ak, por exemplo, ita ko'alia kona-ba Comissão de Economia e Desenvolvimento, liga mós ba urbanismo, ordenamento do território, ha'u la hatene, ne'e bele iha-ne'e ka bele mós iha Comissão de Infraestrutura?!

Ha'u-nia hanoin se iha Comissão de Infraestruturas ne'e, turismo ne'e mak muda sa'e fali ba Comissão D. Turismo labele mai fali iha-ne'e. Tanba ita ko'alia kona-ba infraestrutura, ne'e comissão ba iha hotu-hotu: infraestrutura Educação nian, infraestrutura Saúde nian, infraestrutura hotu tem que liga mai Comissão de Infraestruturas. Labele ami bá haree obras públicas de'it, labele haree ba

estradas de'it, labele haree ba eletricidade de'it, maibé assunto desenvolvimento físico, ne'e tem que mai iha Comissão de Infraestruturas.

Tanba ha'u hanoin ne'e la'ós serviço kmaan ida, la'ós ki'ik, ita-nia membro comissão mós uitoan, e área operação la'ós ki'ik tanba ita haree distrito, subdistrito, suco no aldeia, ne'e dalaruma iha li'ur ne'e ita ko'alia katak ita la'o hotu, maibé dalaruma ita mai la'o ne'e 24 h mós ita la'o la hotu. Ne'ebe, ha'u hanoin, se ita acumula tan, então ita la consegue la'o. Tanba ne'e mak ha'u-nia sugestão: ba Comissão E ne'e ha'u hanoin tem que muda sassán balun. Por exemplo, ita ko'alia kona-ba ordenamento território no urbanismo, ne'e buat rua ne'ebé labele haketak. Ordenamento território, ne'e ita ko'alia kona-ba urbanismo hotu. Ne'ebe, ha'u hanoin ne'e *sepele*, ne'e tama mai... Iha tinan Legislatura kotuk ne'e, Comissão E ne'e ita ko'alia kona-ba infraestrutura, ordenamento território ne'e haluhan tiha, maibé ida-ne'e iha tiha Ministério das Obras Públicas nia okos. Ministério das Obras Públicas ne'e iha tiha Comissão de Infraestruturas nia okos, maibé ha'u la hatene, decisão Mesa nian ne'e buat ketak ida.

Ha'u hanoin ita tem que hadi'a, ne'e buat processo aprendizagem, buat ne'ebé ita halo ladún loos ne'e, ha'u hanoin tem que halo loos para ita halo fiscalização labele comissão ida, rame-rame bá, hotu-hotu haree mak educação. Comissão sira hotu iha-ne'e, ita rame-rame bá haree fatin ida. Tanba ne'e mak ha'u hanoin turismo ne'e dada sa'e tanba ita haree em termos de visão económica, ne'e Comissão de Economia e Desenvolvimento tem que bá haree oinsá mak ita ko'alia kona-ba receitas. Mas, hanu'ussá mak ita ko'alia kona-ba infraestrutura turismo? Ha'u hanoin ne'e tem que iha-ne'e nafatin. Tanba ita ko'alia kona-ba infraestrutura, ne'e ita ko'alia kona-ba qualidade, então comissão ida-ne'ebé toma conta ida-ne'e mak tem que haree. Maibé, se ita ko'alia kona-ba receitas financeiras, liga ba ida-ne'e, ha'u hanoin, se turismo ne'e kona-ba receitas, ne'e tem que muda sa'e ba Comissão de Economia e Desenvolvimento nia serviço. Muda fali ba leten. Ne'e ha'u nia sugestão: ordenamento território, se bele, muda fali ba Comissão E.

Obrigado barak, Sr. Presidente.

Sr. Presidente: — Sim, se la iha objeção hussi Plenário, ita harmoniza de'it, turismo sa'e fali ba Comissão D, ordenamento do território e urbanismo bele tun fali mai iha infraestrutura, ha'u entende hanessan ne'e, mas orsida discussão sei la'o.

Antes de ha'u fó ba Deputado sira seluk, atu esclarece kedas, buat balu iha-ne'e. Ida ohin 66 Deputados, número ida 66 ne'e, loos 66. Tanba saida mak 66? Quer dizer aumenta rua hussi 64. Ne'e rua tanba KHUNTO iha Deputado na'in-lima de'it, Deputado na'in-lima atu ocupa hotu Comissão hitu ne'e, Deputado na'in-rua, ne'e sira hakarak acumula comissão rua, ne'e mak ita conta ba ne'e sai tiha 66. Ninia explicação ne'e mak ne'e, 66. Loos, 66 duni, maibé ninia explicação kona-ba tanba saida mak sai 66 ne'e mak ida-ne'e.

Agora, seluk, subcomissão iha Comissão A, loos duni iha-ne'e la define subcomissões iha comissão sira-ne'e. Tuir Regimento ne'e, Comissão mak sei estabelece subcomissões, mas se ita pretende atu tau ética ne'e iha-ne'ebá, bele aumenta tan liafuan ética ne'e iha designação Comissão A nian ne'e, Comissão de Assuntos Constitucionais, Justiça e Ética, deve ser hanessan ne'e, mais ou menos. Ha'u hanessan tenta atu acomoda de'it Deputado sira-nia hanoin ne'e, e sei aberto hela ba discussão.

Ida seluk, ponto importante, Srs. Deputados, idealmente ita estabelece comissões especializadas permanentes ne'e só depois de formação Governo, e até di'ak liu ne'e só depois de apreciação programa do Governo karik, tanba keta mossu tan Governo foun ho políticas foun, introduz tan políticas foun ne'ebé dalaruma bele afeta atu hamossu tan área temática foun ruma karik. Mas, se acontece duni hanessan ne'e, Srs. Deputados, ohin tanba formação Governo mós sei iha processo hela, satán ita ko'alia apreciação programa do Governo, ne'e bele fulan ida tan hanessan ne'e, mas ita iha necessidade ida, Parlamento ne'e tem que funciona ona agora, ita iha serviço barak, funciona ona agora. E atu funciona ne'e mak fundamental tebes ita tem que cria ona instrumento serviço nian, ne'e mak comissões especializadas permanentes. Tanba ne'e mak ohin, ho hanoin ida, karik iha buat ruma, política ruma, ne'ebé mossu no ne'ebé obriga ita atu halo ajustamento ba ita-nia áreas temáticas ba ita-nia comissões especializadas, ita bele halo. Ita bele halo hanessan baibain, se mossu projeto de alteração ruma kona-ba ita-nia comissões especializadas, claro, ne'e parte ida-idak, hanoin ida dehan ita atu ajusta karik, ajusta ho novas políticas, novo Governo nia programa. Bom, ne'e ita bele halo, ne'e la'ós buat ida-ne'ebé ohin ita aprova kala sei labele book tan durante tinan lima, ne'e ita bele ajusta de qualquer momento.

Parece ita bele entende hanessan ne'e, Srs. Deputados.

Agora, labele constitui ho número par, loos duni, tanba ne'e afeta ba iha deliberação, votação. Votação quando mossu empate, empate ne'e comissão la bele halo deliberação. Mas, haree tuir número ne'e, ha'u ho assessor sira, ami conta bá, conta mai, la iha dalan seluk, ida tem que par duni. Ne'e mak ida Comissão G iha oito ne'e, ida tem que par duni! Ami conta bá, conta mai, assessor na'in-haat, sira hamutuk halo buat ne'e loron tolu, desde dia 6. Dia 6 sira tenta halo contagem ne'e, depois iha Conferência de Líderes das Bancadas apresenta, comissão ida tem que par duni. Mas, em termos de número, atu halo contagem hanessan ne'e ami la iha solução, mas Deputado sira balu keta matemática di'ak liu karik, halo favor fó hanoin mai.

Agora seluk, dala ida tan ba proposta sira ne'ebé ohin hato'o ne'e, se hakarak halo alteração, hussu alteração, tem que ho proposta escrita e tem que ho justificação.

Ha'u la hatene técnico sira bá facilita ona Sr. Deputado ka lae?

Halo favor, Sr. Deputado Luís.

Sr. **Luís Roberto da Silva** (KHUNTO): — Desculpa, intervenção ne'ebé foin halo hussi Bancada KHUNTO nian, primeiro ha'u hussu desculpa tanba ami la entrega antes ba técnico, maibé ami entrega tiha proposta ne'e ba tiha Mesa ona.

Obrigado.

Sr. **Presidente**: — Obrigado.

Proposta ida hussi KHUNTO ne'e tama ona, mas antes atu admite proposta ida-ne'e ha'u hakarak fó hanoin ba Srs. Deputados, liuliu ba Sr. Deputado Luís hussi KHUNTO, iha Conferência de Líderes das Bancadas ita quase concorda hotu ona, concorda hotu ona áreas temáticas ne'e, ha'u hanessan passa a limpo de'it ita-nia discussão iha-ne'ebá. Agora, liuliu kona-ba alteração Comissão C ne'e atu tau tan, inclui mós Economia, sobrecarregado liu, Srs. Deputados. Sobrecarregado liu, Finanças Públicas tau tan ho Economia, sobrecarregado.

Ita ko'alia economia ne'e, ne'ebe la hatene orsida ema economista sira bele explica, quer dizer uma área ligada ho economia. Maibé, se ita ko'alia economia, ne'e la'ós finanças de'it, então buat barak iha laran, inclui abrangere buat barak. Tanba ne'e, se tau tan iha Finanças Públicas, ne'e nia todan liu, sobrecarregado liu ba Comissão ne'e.

Sr. Deputado sira hetan tiha ona livro mahar sira-ne'e. Hanessan exemplo ki'ikoan de'it, livro mahar sira-ne'e, ne'e Comissão ida-ne'e mak tem que lê por detalhe e inteira sassán ki'ikoan-ki'ikoan sira-ne'e. Tanba fiscalização kona-ba finanças públicas ne'e, liuliu ida fiscalização ne'e, ida-ne'e mak halo comissão ida-ne'e nia serviço ne'e todan tebetebes. Nia acompanha execução e halo fiscalização, ne'e mak todan. Tanba ne'e mak Srs. Deputados, ha'u sugere, orsida ha'u halo de'it intervalo. Se proposta mai hanessan ne'e, orsida seluk mai ho proposta tan, ne'e ita la sai hussi ne'e, e ne'e só atu estabelece comissão especializada permanente. Depois ne'e orsida sai fali debate ne'ebé ita ida-idak hakarak defende ita ida-idak ninia opinião, porque cada um tem a sua opinião kona-ba questão ida-ne'e.

Mas, ida ohin Sr. Deputado Osório nian ne'e hanessan hassai uma coisa, ne'e mós karik ita bele intervalo uitoan, orsida assenta didi'ak para depois ita mai resolve hotu ona. Tanba desde ohin intervenção sira-ne'e, sei iha tan balu ne'ebé regista hela, inscreve hela iha-ne'e, la iha questão ida-ne'ebé fundamental atu ita ko'alia liután iha-ne'e, apenas iha colocação bá-mai, maibé ita tem que considera mós questão, orsida, prática iha implementação ne'e, conforme Deputado sira ne'ebé iha experiência ne'e, la fácil hanessan ohin ha'u hatete ne'e.

Ha'u começa continua ho inscrição sira-ne'e lai.

Sr. Deputado Demétrio Amaral, halo favor.

Sr. **Demétrio do Amaral de Carvalho** (PLP): — Obrigado ba Presidente.

Ha'u-nia bom dia ba Presidente, Vice-Presidente sira hotu no distinto Deputado sira hotu.

Hakarak halo comentário uitoan kona-ba proposta hussi proponente distinto Deputado Luís. Ha'u-nia perspectiva katak serviço iha infraestrutura, ita hatene área subcomissão, iha subtema lubuk ida-ne'ebé boot tebetebes: água, saneamento, energia, transporte, comunicação. Karik ita haree mós atu muda fali ordenamento do território mai tan Comissão D, E, ne'e serviço lubuk boot ida. Maibé, atu hateten katak bainhira ita desenha atu estabelece comissão, karik pensamento ne'ebé ita precisa considera maka ligação entre subtema sira-ne'e.

Ha'u haree mós katak atividade indústria, comércio, turismo, ne'e subtema ne'ebé liga ba Economia e Desenvolvimento. Portanto, se bele, muda fali ba Comissão D, maibé ordenamento do território e karik urbanização bele muda fali mai Comissão E, ho proposta ida katak se urbanização ita-nia conceito ne'e habitação, ita hanoin katak ita hakarak mós atu dudu política habitação ne'ebé bele mós hatama receitas ba Estado, e nia bele hela iha Comissão D. Portanto, haree katak proposta mudança ba tema lubuk ida hussi Comissão D mai fali Comissão E, nune'e mós hassai fali ambiente ho tema sira ne'ebé iha relação ho ambiente mai fali iha Comissão E, ami haree ladún iha ligação forte entre subtema sira-ne'e.

Obrigado.

Sr. Presidente: — Obrigado.

Srs. Deputados, ita tem que considera buat barak: ida, ita haree ligação entre tema ida ba tema seluk ne'e, ne'e mós importante, maibé fator seluk ne'ebé ita haree para labele mossu comissão ida sobrecarregado liu do que comissão seluk, depois cria desequilíbrio iha Parlamento. Ha'u fó exemplo de'it, quando ko'alia kona-ba leis ne'e, Comissão A, uluk iha III Legislatura ne'e, quase viagem fiscalização ba distrito sira-ne'e mós la consegue tanba loroloron ocupado hela ho lei de'it, até fim de semana mós Deputado sira serviço hodi halo aprovação ba lei. Quer dizer ba comissão ita fahe trabalho ne'e, ita buka no máximo possível para bele iha equilíbrio, labele iha comissão balu ne'e serviço barak liu, balu quase serviço la iha. Hanessan uluk, Comissão de Ética ne'e, to'o ona atu levantamento imunidade maka sira foin serviço, ne'e imunidade ba Deputado ka membro Governo ruma, mas direitos e regalias Deputado sira-ne'e nian hanessan de'it, hanessan de'it! Ne'e ita haree mós hussi ida-ne'e, eficiência, ho fator seluk tan.

Sr. Deputado Merício dos Reis, halo favor.

Sr. Merício Juvenal Dos Reis (PLP): — Boa tarde, Sr. Presidente e boa tarde ba ita hotu.

Ha'u hakarak fó ha'u-nia comentário ba distribuição naran ba cada comissão. Ha'u nota iha-ne'e katak Comissão A ninia serviço barak e nia todan mós maka'as liu compara ho comissão sira seluk. Nune'e, bainhira ha'u *check* iha Comissão G, iha-ne'e iha PLP nian na'in-rua kedas, se nune'e ha'u

hakarak hato' o proposta para hussi PLP nia ema ida bele bá fali Comissão A e hussi bancada sira seluk bele considera fali Comissão G.

Ponto segundo hussi ha'u, comissão especializada sira, ida-ne'e importante, tanba ita hotu hatene katak comissão hirak-ne'e mak atu halo balanço ba Executivo, ba Governo, tanba serviço técnico, halo fiscalização, debates, então hakarak fó hanoin ba ita hotu katak bainhira ita distribui ita-nia membro Deputado sira, se bele hahú ona considera competência, *skill* no ninia conhecimento ba cada comissão para hahú agora ba oin bele halo ona balanço ba Executivo. Tanba público baibain sempre dehan katak Executivo normalmente forte liu, tanba sira experiência liu, sira iha *skill*, iha capacidade no iha competência liu, então bainhira ita debate ka ita fiscaliza assunto ruma, público hanoin katak Parlamento fraco. Então, atu fó hanoin de'it katak se ita considera público nia perspectiva ida-ne'e, hahú agora cada bancada ka ita hahú ko'alia oinsá aloca ita-nia ema iha cada comissão ho nia competência máximo. Ha'u hatene katak Parlamento órgão político ita tem que domina duni política, maibé mós *skill* no competência ne'e importante. Ha'u mós hatene katak ita mós iha apoio técnico, maibé sei di'ak liu cada Deputado mós domina assunto ruma e nia sente katak nia bele halo buat ruma máximo iha cada comissão.

Obrigado.

Sr. Presidente: — Sr.^a Deputada Carmelita Moniz, halo favor.

Sr.^a Carmelita Caetano Moniz (CNRT): — Obrigado, Sr. Presidente.

Bom dia ba Ita-Boot, ba composição da Mesa, ba Sr. Deputado sira hotu.

Em princípio ha'u concorda ho Projeto de Deliberação ne'ebé assina hussi Ita-Boot rassik.

Ha'u hahú hussi Comissão A e cada comissão especializada sira seluk. Sobre subcomissão ita la precisa determina iha-ne'e, depende ba discussão iha cada comissão especializada permanente.

E ha'u mós ladún concorda ho sugestão mai hussi Deputado Joaquim ne'ebé tem que aumenta tan «Ética» iha comissão A, Comissão de Assuntos Constitucionais e Justiça, tanba ita tau ida-ne'e abrange ona ho questão ética hotu tanba ética ita haree hahú hussi mandato parlamentar, imunidades, incompatibilidades, etc., tun mai iha kraik to'o iha registo de interesses. Ne'ebe, ita la precisa tau tan liafuan ética, e ho de'it título hanessan ne'e abrange ona ética.

Segundo, kona-ba Comissão D, ne'ebé sugestão mai hussi Deputado Osório katak ordenamento do território e urbanismo muda mai iha Comissão E. Ita hotu-hotu, ita sei fresco hela ho ita-nia hanoin katak iha III Legislatura liubá ita aprova tiha ona Lei de Bases do Ordenamento do Território. Iha Lei de Bases do Ordenamento do Território ne'e ita haree Plano de Desenvolvimento Nacional ho Plano de Desenvolvimento Municipal ne'ebé ita determina tiha ona, e então ordenamento do território ho urbanismo, ne'e ligado tebes ho Plano de Desenvolvimento Nacional, Regional no Municipal. Ne'ebe,

ba ha'u ida-ne'e tem que mantém duni iha Comissão de Economia e Desenvolvimento tanba ligado ho desenvolvimento do País hussi nacional to'o iha municipal.

Kona-ba urbanismo, ne'e ligado ho plano de urbanização. Plano de urbanização ita la'ós haree de'it kona-ba ida ohin habitação, maibé plano de urbanização ita haree ba área hotu-hotu: indústria, habitação, turismo etc. Hussi plano de urbanização mak ita determina iha cada município ka iha área urbana, katak área ida-ne'ebé mak ita considera atu tau ba área indústria, área ida-ne'ebé mak ba área administração, área ida-ne'ebé mak bá tau ba área turismo ho buat seluk-seluk tan, ne'e depende ba plano da urbanização ne'ebé nia base fundamental mak plano do ordenamento do território.

Ne'ebe, Sr. Deputado sira, ha'u la iha objeção ba Projeto de Deliberação ida ne'ebé assinado hussi Presidente do Parlamento Nacional.

Muito obrigado.

Sr. Presidente: — Obrigado, Sr.^a Deputada.

Tuirmai, Sr. Deputado Francisco Branco. Inscreveu-se?...

Sr. Francisco Miranda Branco (FRETILIN): — Não, Sr. Presidente.

Sr. Presidente: — Sr.^a Deputada Maria Angélica, halo favor.

Sr.^a Maria Angélica Rangel dos Reis (FRETILIN): — Muito obrigada, Sr. Presidente.

Bom dia ba Sr. Presidente e membros da Mesa, colega Deputado sira hotu.

Iha-ne'e ha'u hakarak aprecia kona-ba ita-nia Projeto de Deliberação ida-ne'e, liuliu kona-ba comissão nia serviço. Hakarak acrescenta iha-ne'e mós katak Comissão C nia serviço la iha mudança barak, maibé se bele karik ami hussu ba assessor sira para bele tau em questão mós, tanba iha-ne'ebá dehan política fiscal de'it, maibé ita mós bele tau política fiscal e monetário.

Iha-ne'ebá mós iha comissão anterior hakerek dehan receitas petrolíferas e gás, maibé iha-ne'e la hakerek gás, tanba ita hakarak hatete katak ne'e receitas petrolíferas, gás e minérios, tanba exploração de minérios mós agora iha ita-nia Rain iha, la'ós petrolíferos de'it. Rai-henek sira-ne'e mós tem que conta ona tanba durante ne'e sussar atu ita halo fiscalização kona-ba receita ba minério sira-ne'e.

E agora ida fali mak fiscalização das dívidas financeiras do Estado, bele acrescenta tan iha kotuk ne'ebá dívidas públicas. Tanba ita hatene katak ita-nia dívida pública mós barak, então bele acrescenta tan. Ne'e hanessian proposta de'it, se bele sugere ba Mesa e assessor sira para bele haree questão sira-ne'e, tanba ita haree katak serviço Comissão C nian ne'ebé pesado tebes hanessian ohin Sr. Presidente dehan. Ita hakarak simplifica naran sira-ne'e, dalaruma ita bele dehan katak naran sira-ne'e hanessian, maibé nia serviço ne'e la hanessian ida. Tanba durante ne'e ita haree katak Comissão C, dalaruma ami

bá halo fiscalização mós iha área balu, ita mai critica malu iha-ne'e dehan katak ita hadau balu nia competência, tanba ne'e mak hakarak tau loloos iha-ne'e para ita serviço ita la'o tuir ida-idak nia áreas competentes.

Muito obrigada, Sr. Presidente.

Sr. Presidente: — Ponto de Ordem: Sr. Deputado Osório Florindo. Halo favor.

Sr. Osório Florindo da Conceição Costa (FRETILIN): — Presidente, desculpa, ha'u hanoin opinião ne'e barak tan de'it, barak tan de'it, ha'u hanoin se ita discute ida-ne'e, ne'e sei la sai. Se bele ha'u hussu ba Presidente atu convida líder bancada sira, e opinião sira ne'ebé ohin mossu ona iha Plenário ne'e, ha'u hanoin considera bá, bá tuur hamutuk para sai tiha fali mai documento único para submete e depois ita aprova, di'ak liu.

Ne'e ha'u-nia sugestão, Presidente.

Obrigado barak.

Sr. Presidente: — Hanessian informação, Srs. Deputados, iha duni Projeto ne'e mós iha início kedas ouvida a Conferência mak ha'u prepara Projeto ne'e. Iha Conferência ne'e iha ponto rua de'it mak iha-ne'ebá iha diferença: ida, questão poder local nian ne'ebé atu lori mai iha Comissão D, então ha'u decide dehan hussik nia mantém iha Comissão A. Ida seluk mak kona-ba tema ida educação ne'e, balu hakarak tau iha Comissão G, tuir ho cultura nian, balu hakarak mantém iha Comissão F, e iha Projeto ida-ne'e ha'u tau mantém iha Comissão F, tanba questões assuntos sociais nian ne'e liga dala ida de'it. Ho razão ida-ne'e mak mantém. Buat rua ne'e de'it, o resto ami la muda. Quer dizer iha tiha ona, a nível bancadas ne'e iha tiha ona consenso ida-ne'e, a não ser que questiona fali ida ne'ebé ohin ha'u-nia colocação ida kona-ba poder local ho educação ne'e, resto agora Deputado ida-idak nian. Ne'e ita ko'alia *bahasa* karik dehan *selera* ona, ne'e mak agora ita ko'alia naruk ona ne'e. *Selera* ne'e tuir ita ida-idak nia pensamento rassik ona. Mas, se ita fila fali, bele, líderes bancadas bele acerta filafali, mas ne'e mós orsida sai hanessian nafatin de'it. Orsida dada malu só tanba questão ida *selera* ne'e. Ha'u-nia hanoin ne'e, hakarak ne'e tau iha-ne'ebá mak di'ak, pronto ne'e ita la sai. Tanba ne'e mak ohin proposta ida mai mós, ha'u admite tiha ona, mas orsida nia discussão ne'e ita buka to'ok forma ida ne'ebé oinsá ita bele apronta deliberação ne'e, que no fim comissão sira-ne'e mak trata hotu. Comissão hitu ne'e mak trata, nia la bá fatin seluk ida, e Comissão hitu ne'e nia representação Deputado bancadas nian ne'e iha-ne'ebá iha hotu, nia número ne'e.

Sr. Deputado Merício nian, tanba saida mak PLP nian rua kedas iha Comissão G. Se ha'u bele explica karik, PLP iha Deputado ualu, se ita estabelece Comissão hitu, em termos número Comissão hitu, claro que hitu ne'e ocupa hotu, sobra ida. Agora, ida-ne'e atu tau ba iha-ne'ebé? Atu tau ba

ne'ebé?! Em termos número ita fahe bá, nia labele liu ona número máximo ne'ebé iha-ne'e 11, hotu-hotu número média ne'e nove Deputados, resto Comissão A ho Comissão C mak 11. Se tau tan ida iha Comissão A, então nia prejudica ona buat ida ne'ebé nia número tem que ímpar ne'e, depois ultrapassa ona número máximo ida 11 ne'ebé ita hakarak ne'e. Porque ne'e orsida muda hotu, número ne'e bele muda hotu, depois ita la hatene atu sura fali halo nu'ussá. Experiência durante ne'e, iha II Legislatura e III Legislatura mós número máximo ne'e 11 de'it. E se liu 11 ne'e kala ida-ne'e mós ba ona ida ne'ebé número par ne'e ona, satán Comissão A ida-ne'ebé trata lei barabarak iha-ne'ebá, quando mossu empate iha-ne'ebá, ita nem sequer produz lei ruma iha-ne'ebá tanba número ne'e par, ne'e la consegue halo deliberação ka la consegue aprova buat ruma. Ho razão ida-ne'e mak iha Deliberação ka Projeto ida-ne'e, ha'u decide tau iha Comissão G, número ki'ik, que antes ne'e sete, ho sobra ida-ne'e, tau tan ba ne'e mak oito ne'e. Então, princípio mak tau ba número membro comissões ne'ebé ki'ik, tau tan iha-ne'ebá, reforça tan iha-ne'ebá, só que ho risco ida ohin ida ita hatete ne'e, ne'e número ne'e par ona. Número par, que iha-ne'ebá mós bele dificulta tomada de decisão no halo deliberação ruma. Mas, hanessian ohin ha'u dehan, la iha solução seluk tan. Em termos de aritmética ka matemática, la iha solução to'o agora. Ne'e mak nia explicação.

Iha-ne'e inscrição ne'e barak loos, Srs. Deputados, ha'u hanoin ha'u começa haree ona tendência discussão ne'e ita ba ona ida-idak nia opinião - ha'u-nia hakarak ne'e tau iha-ne'e, ha'u-nia gosto ne'e iha ida-ne'ebá -, mas la iha buat ida, agora ha'u continua.

Sr. Deputado Fidélis Magalhães, halo favor.

Sr. Fidélis Manuel Leite Magalhães (PLP): — Bom dia, Sr. Presidente no colega Deputado sira hotu.

Iha alocação membro na'in-rua hussi PLP ba Comissão G, ne'e tanba bainhira iha discussão líderes bancadas ne'e iha ideia ida atu muda educação ba iha G. Ha'u hanoin, tuir proposta ami concorda ho ida-ne'e, nia proposta ne'e katak educação sei la tun mai, então, ami hussu fali ba Sr. Presidente para ami bele reconsidera, muda fali ami-nia número ida extra ne'e ba fali iha comissão sira seluk para reforça tan sira. Ne'e la prejudica buat ida tanba Comissão G ne'e la'ós menos importante hussi comissão sira seluk. Se nia hetan hitu, pelo menos comissão sira seluk iha número ímpar ne'e aumenta ida tan iha-ne'ebá para halo par, ne'e depois ami hussu Ita-Boot, Sr. Presidente, nia consideração.

Obrigado.

Sr. Presidente: — Tuirmai, Sr.^a Deputada Brígida Correia.

Sr.^a Brígida Antónia Correia (CNRT): — Obrigada, Sr. Presidente.

Bom dia ba Ita-Boot, ba composição da Mesa no ba colega Deputado sira hotu.

Ha'u iha hanoin ida, e ha'u secunda Sr.^a Deputada Carmelita kona-ba Projeto ida-ne'e, ba áreas temáticas ka área competência sira-ne'e.

Primeiro, ha'u hakarak reforça katak ordenamento território e urbanismo, ha'u sente katak iha nafatin Comissão D tanba liga ba Lei de Bases do Ordenamento do Território ne'ebé orsida sei identifica iha-ne'ebá, e ita sei fahe ba zonas industriais, zonas comerciais no mós zona turismo. Ha'u sente katak ida-ne'e sai base ida-ne'ebé ita bele concorda hodi tama nafatin iha Comissão D.

Ida seluk, ba Comissão E, iha área competência sira-ne'e, ita haree katak iha-ne'ebá iha atividade industrial, comércio, turismo, defesa do consumidor. Ha'u-nia hanoin, ne'e tuir experiência ne'ebé durante ne'e ami iha katak iha-ne'e liga mós ba economia, tanba ne'e mak ha'u sente katak di'ak liu ita tau ba iha Comissão D ne'ebé liga ba economia. Tanba ne'e atividade industrial, comércio no mós turismo, ha'u sente katak ne'e di'ak liu tama iha comissão ne'ebé liga ba economia e desenvolvimento. Maibé, ha'u ciente katak wainhira iha relação serviço ka área competência sira ne'ebé iha relação ho infraestruturas básicas no físicas ne'ebé iha relação mós ho comércio, turismo ka buat sira-ne'e, ha'u sente mai nafatin, orsida sei iha serviço ne'ebé hamutuk entre comissão relevante no mós ho comissão ne'ebé liga ba áreas infraestruturas.

Ida mós mak ha'u hakarak hato'o katak ha'u-nia opinião ba defesa do consumidor, ne'e bele mós ba Comissão C e bele mós ba Comissão D, tanba iha-ne'ebá iha ligação ba segurança alimentar. Se ita bele tau mós, ha'u propõe segurança alimentar e defesa do consumidor, e ida-ne'e mós iha relação ho área sira-ne'e, tanba ne'e mak ha'u sugere, se bele mós tau iha Comissão C ou Comissão D.

Ida-ne'e de'it, Sr. Presidente.

Obrigado.

Sr. Presidente: — Tuirmai, Sr. Deputado Abel Pires.

Desculpa, antes ida-ne'e iha ponto de ordem hussi Sr. Deputado «Du-sae»

Sr. Eduardo de Deus Barreto «Du-sae» (CNRT): — Obrigado, Sr. Presidente.

Bom dia ba Sr. Presidente, membros da Mesa no ba colega Deputado sira.

Atu fó hanoin de'it, ita atu sai hussi situação ida-ne'e, ha'u hanoin Conferência de Líderes das Bancadas ne'e kala ema na'in hira, Presidente Bancada na'in-lima ho Sr. Presidente, Sr. Vice-Presidente sira, ne'ebe ulun-fatuk ne'e uitoan de'it, mas quando proposta ne'e tama filafali mai iha Plenária, ulun-fatuk barak, hanoin barak. Ne'ebe, ha'u hussu ba Presidente atu acumula hanoin sira-ne'e, fila fali ba Conferência de Líderes das Bancadas hodi hetan apoio hussi assessor sira. Ne'e ita tem que sai hussi ne'e. Ha'u fó hanoin para Sr. Presidente bele reúne fali ho Presidentes das Bancadas Parlamentares, ho apoio assessor sira-nian para resolve tiha situação ida-ne'e. Ami apoia proposta ne'ebé mai hussi Mesa, Sr. Presidente.

Ida seluk, kona-ba quórum, hussi ita kala 65, Sr. Presidente la halo parte comissão sira, maibé ita iha Deputado 64, número par, ne'e ita fahe bá-fahe mai mós comissão ida tem que hetan número par. Ne'ebe, resolve to'ok bá, haree to'ok, fila fali ba Conferência de Líderes das Bancadas atu haree situação ida-ne'e, e depois karik vice ida sei la halo parte, então ita hetan número ne'e ímpar ba iha comissão sira-ne'e. Ne'ebe, situação mak ida-ne'e.

Ha'u, privado, hussu ba Mesa atu fila fali ba Conferência de Líderes das Bancadas atu resolve situação rua ne'e.

Obrigado, Presidente.

Sr. Presidente: — Obrigado.

Se Conferência hotu tiha mak mai, ita ko'alia fali tuir ita ida-idak nia opinião ne'e, ne'e nafatin hela de'it. Ne'e mak ha'u-nia receio, a não ser que se ita dehan bá agora... La'ós Conferência, bancada sira tuur hamutuk, depois de rona opinião sira hussi Plenário ne'e, harmoniza to'ok, depois lori mai ita halo votação. Karik hanessan ne'e. Mas, ha'u continua lai halo inscrição ne'e hotu para ita atu bá to'o iha-ne'ebá.

Inscrição sira-ne'e hotu, rona tiha opinião sira-ne'e hotu, bancadas parlamentares bele tuur hamutuk para harmoniza, depois lori mai fali iha Plenário e ita bele halo ona deliberação.

Sr. Deputado Abel Pires, halo favor.

Sr. Abel Pires da Silva (PLP): — Muito obrigado, Sr. Presidente, bom dia. Bom dia ba Sr. Deputado sira hotu.

Em geral, ha'u concorda ho Projeto de Deliberação ida-ne'e, maibé iha comentário ki'ikoan e uitoan de'it kona-ba área específica ne'e.

Qualquer implementação ba projeto infraestrutura, ne'e tem que integrado. Então, dalan atu assegura katak integração ne'e acontece, ne'e tem que hatuur iha plano ordenamento território iha leten. Tanba ne'e mak ha'u secunda proposta hussi Sr. Deputado Osório Florindo nian katak di'ak liu ordenamento do território no urbanismo ne'e hatún ba Comissão E para bele facilita tebetebes serviço Comissão E nian, tanba saida de'it mak ami atu halo ne'e baseia plano integrado ida.

Mak ne'e de'it.

Obrigado barak.

Sr. Presidente: — Ponto de Ordem hussi Sr.^a Deputada Maria Angélica.

Sr.^a Maria Angélica Rangel dos Reis (FRETILIN): — Muito obrigada, Sr. Presidente.

Ha'u hussu ponto de ordem atu hussu ba ita atu bá *break* lai 10 min nune'e tanba ita-nia preocupação ne'e to'o final atu bá harmoniza ou ajusta de'it ita-nia hakarak ne'ebé iha, tanba ne'e, se bele, ita bá *break* 10 min ou 15 min lai.

Muito obrigada, Sr. Presidente.

Sr. Presidente: — Sim, ohin atu to'o duni ba iha-ne'ebá, maibé ohin ha'u ko'alia tiha ona, mas ha'u hakarak halo hotu lai inscrição ne'e para opinião sira-ne'e ita rona hotu tiha para bá harmoniza dala ida de'it, ne'e para labele orsida mai fali ko'alia o mesmo assunto, a mesma proposta e a mesma sugestão.

Sr.^a Deputada Angélica da Costa. Halo favor.

Sr.^a Angélica da Costa (FRETILIN): — Obrigada, Sr. Presidente.

Bom dia ba Ita-Boot, ba Vice-Presidentes, ba Secretárias, ba colegas distintos Deputados no mós ba povo maubere tomak.

Sr. Presidente, ha'u la iha objeção ba Projeto de Deliberação ida-ne'e.

Em primeiro lugar, ha'u hakarak halo apreciação ba Projeto de Deliberação ida-ne'e, liuliu iha mudança ba áreas temáticas ne'ebé liga ba Comissão G nian. Ne'e buat ida di'ak tebetebes tanba uluk ha'u mós hola parte iha Comissão G durante tinan rua ho balun. Iha momento ne'ebá ita haree katak Comissão G nia serviço ne'e ladún barak liu, tanba ne'e ho mudança ida-ne'e ha'u mós concorda tebetebes tanba liga ho área temática ida-ne'ebé dehan katak iha-ne'e atu haree liu ba cidadania, atu reforça, liuliu, ba iha participação democrática ne'ebé liga ho cidadania nian. Tanba ne'e ha'u halo apreciação e ha'u dehan katak di'ak tebes.

Sr. Presidente, iha-ne'e ha'u mós hakarak haree uitoan kona-ba divisão ba área temática sira hanessan ohin ha'u-nia colega Deputado sira barak mós ko'alia tiha ona, liuliu liga ba Comissão D nian tanba uluk ha'u mós iha Comissão D. E iha-ne'e ha'u hanoin katak ordenamento território ne'e mantém nafatin iha Comissão D. Além disso, ha'u mós concorda e reforça tan saida mak ha'u-nia colega Deputada sira, ohin, hato'o tiha ona.

Kona-ba comércio, indústria, turismo ne'e, se bele, sa'e filafali ba iha Comissão D. Tanba ita haree iha III Legislatura, Comissão D mak toma conta duni kona-ba área ne'ebé hanessan ohin hatete tiha ona.

Nune'e mós ha'u hakarak hatete iha-ne'e, ha'u concorda tebetebes ho ohin Presidente nia liafuan kona-ba proposta hussi ha'u-nia colega Deputado hussi KHUNTO nian kona-ba ida economia nian atu integra filafali mai iha Comissão C. Ne'ebe, ha'u hanoin, ita quando ko'alia kona-ba economia ne'e hanessan ohin Presidente rassik dehan katak ne'e abrange ba buat hotu-hotu.

Sr. Presidente, ha'u hanoin ida-ne'e mak ha'u hakarak hato'o iha biban ida-ne'e.

Obrigada barak.

Sr. Presidente: — Sei iha tan inscrição rua, Srs. Deputados, liuliu ba segunda vez, Sr. Deputado Arão Noé ho Sr. Deputado Joaquim dos Santos.

La iha tan inscrição ona, ha'u hakarak rona hotu sira na'in-rua, ita bá ona sugestão ida ohin ne'e katak atu halo harmonização iha nível bancadas parlamentares.

Sr. Deputado Arão, ba segunda vez. Halo favor.

Sr. Arão Noé de Jesus Amaral (CNRT): — Obrigado, Sr. Presidente.

Ha'u hakarak bá diretamente assunto ida kona-ba redução. Iha proposta ne'e hatete katak hamenos tiha comissão balu. Ha'u hakarak informa de'it katak iha II Legislatura, ita iha comissão bá to'o sia, depois iha III Legislatura mak hamenos mai hitu. Ha'u haree ida-ne'ebé sia ne'e membro uitoan liu e depois discussão ladún efetivo, depois reduz mai hitu ho distribuição Deputados ne'e labele barak liu e uitoan liu. Agora, se comissão ne'e uitoan liu, então, Deputado sira barak liu iha-ne'ebá, então discussão mós ladún efetivo. Tanba ne'e, mossu ideia ida foti número ida-ne'ebé iha III Legislatura ba sete comissões de'it, atu nune'e bele iha distribuição ida hanessan.

Agora ba partido ne'ebé hetan assento parlamentar menos, Deputado tem que iha direito atubele preenche o máximo comissão rua. Tanba ne'e mak iha KHUNTO iha direito atu hetan lima tanba ne'e nia Deputado ida tem que iha serviço extra, ne'e na'in-rua atu bele preenche iha comissão rua ne'ebé sira-nia membro la iha bá, ne'e Regimento fó dalan. Tanba ne'e mak se reduz tan tiha mai kraik, cinco, iha problema hanessan ohin, ladún efetividade. Ne'e mak ha'u hanoïn katak sei di'ak liu ita concentra atu comissão ne'e hitu, distribuição ne'e mak cabe ba bancada ida-idak atu aloca.

Agora, kona-ba matéria, ha'u hanoïn di'ak liu saida mak iha ne'e suficiente ona no cobre ona área sira ne'ebé ohin ita preocupa mesmo que iha comissão ida ba comissão ida, hotu-hotu nia fiscalização ne'e fiscalização política, la'ós técnica. Técnica ne'e, ha'u hanoïn, ita ladún, mesmo que ita iha duni específico balu, mas la cobre área hotu-hotu.

Ne'e mak ha'u hakarak hato'o.

Obrigado, Sr. Presidente.

Sr. Presidente: — Obrigado.

Ohin, ha'u taka tiha ona inscrição, agora inscrição mai tan.

Ha'u hussu favor, quando iha-ne'e Mesa dehan taka ona ne'e, lalika hatama tan inscrição. Orsida la fó mós la di'ak, fó bá mós orsida sira seluk começa ruun nehan dehan: «Nu'ussá mak tem que fó tan, depois, agora ita la sai ona hussi ne'e e atu intervalo ona». Pois!

Sr. Deputado Joaquim dos Santos, pela segunda vez.

Sr. Joaquim dos Santos (FRETILIN): — Obrigado, Sr. Presidente, pela segunda vez.

Ha'u atu dehan de'it, Presidente e colegas Deputados, ita la precisa halo alteração barak, radical, iha composição ida-ne'e, tanba Governo tuirmai sei prepara orçamento transitório. Ha'u hanoin ida-ne'e sei acontece, tanba ne'e liga ho buat anterior sira ne'ebé iha to'o ohin loron. Hanessan ne'e mós ba comissão ne'ebé ita atu estabelece ne'e, ne'e tem que reflete ba realidade ida transitada ne'e. Ne'ebe, opinião sira-ne'e messak di'ak, ha'u hanoin ita lalika halo mudança radical lai, ita la'o lai ho ida-ne'e, tanba depois ita aprova programa Governo ho Orçamento do Estado, pode haver que ita iha alteração matérias ba Comissão Permanente sira.

Ne'ebe, do que orsida ita muda bá-muda mai, di'ak liu ita mantém lai substancia ne'ebé agora iha. Tanba se ita ko'alia kona-ba economia muda ba iha-ne'ebá, ambiente muda mai ida-ne'e mai, mas buat sira-ne'e conceito de'it, realidade ne'ebé orsida ita enfrenta ne'e mak ita halo lei, ita legisla e depois ita fiscaliza. Agora, conceito sira hanessan técnico ne'e, Governo mak sei responde.

Ne'ebe, ha'u hanoin desde que ita-nia decisão ba composição comissão reflete ona política Estado nian em geral, ha'u hanoin ita avança lai, mudança depois mai mak ita haree, Sr. Presidente.

Ha'u nia opinião mak ida-ne'e.

Obrigado.

Sr. Presidente: — Obrigado, Sr. Deputado.

Ponto de ordem: Sr.^a Deputada Ilda da Conceição. Halo favor.

Sr.^a Ilda Maria da Conceição (FRETILIN): — Obrigada, Sr. Presidente.

Muito bom dia, ainda 11h00, Mesa e colegas Deputados.

Sr. Presidente, ha'u atu secunda de'it Sr.^a Deputada Angélica nian, bele fó lai tempo, lalika barak, 10 min, para ami bele fó hanoin malu atu harmoniza lai buat sira-ne'e. Tanba ha'u haree opinião barak. Ne'ebe, Sr. Presidente, se ita la acomoda opinião sira-ne'e, ha'u hanoin, às vezes, ladún di'ak karik.

Ne'ebe, ami hussu intervalo 10 min, Sr. Presidente.

Obrigada.

Sr. Presidente: — Obrigado, Sr.^a Deputada.

Sim, ha'u atu to'o iha-ne'ebá, Srs. Deputados. Mas, buat ida-ne'ebé ita tem que haree katak mesmo que ita fahe, dehan ida-ne'e mak kala fahe loos ona, ne'e mak área temática sira-ne'e. Comissão sira-ne'e sei serviço em coordenação hussi comissão ida ho comissão seluk, ne'e sempre iha coordenação. Ne'e experiência hatudu hanessan ne'e, até lei balu dalaruma mai nia abrange comissão rua ka tolu

dala ida, e iha prática ne'e comissão rua ka tolu ne'e haree hamutuk. Tanba ne'e, se nia la tama iha comissão ida-ne'e nian, comissão seluk, orsida, sei trata hamutuk. Se fahe ona ne'e la significa que ne'e hela de'it ona ba comissão ida-ne'e de'it tanba orsida ho ida-ne'e de'it, mas iha prática ne'e sempre iha coordenação. Se ita compreende hanessian ne'e, nia colocação ne'e iha-ne'ebé de'it, Srs. Deputados, ba ha'u, ha'u-nia hanoin ne'e dehan buat ne'e de'it, loloos ne'e. Liuliu oinsá atu fahe serviço ne'e mak importante para labele atu área sira-ne'e monu hotu iha fatin ida de'it, depois serviço todan que ne'e bele halo ou bele la consegue halo hotu. Ne'e mak ita-nia problema.

Hanessian ohin, ita dehan economia ho finanças ne'e tau hamutuk, imagina, sai saida?! Liuliu iha debate Orçamento Geral do Estado ne'e comissão hotu-hotu, até ministro ida mai bele bá iha comissão rua-tolu. Ne'e comissão rua-tolu convida ba assunto hanessian. Ne'e hanessian prática ida ne'ebé ha'u adianta hela.

Sei iha tan inscrição rua: Sr.^a Deputada Angelina Sarmiento ho Sr. Deputado Jacinto Rigoberto.
Sr.^a Deputada Angelina, halo favor.

Sr.^a Maria Angelina Lopes Sarmiento (PLP): — Obrigada, Sr. Presidente.

Bom dia ba Ita-Boot e mós ba colega Deputado sira hotu.

Ha'u hakarak propõe de'it iha Comissão F, ne'ebé trata assunto educação e saúde, hanessian ita-nia discussão liubá, ne'e assunto rua ne'ebé boot. Se bele ita fahe tiha assunto educação bele mai fali iha Comissão G, e depois iha Comissão G ne'e tanba áreas temáticas ne'e barak tebes, então, ha'u hakarak propõe atu assunto igualdade, nia bele tama iha leten, tanba ne'e mós faz parte assuntos sociais.

Segundo, kona-ba Comissão D iha nia descrição, ne'e ko'alia mós kona-ba Objetivos de Desenvolvimento Sustentável. Ita haree kona-ba Objetivos de Desenvolvimento Sustentável é uma plataforma internacional vinculativa. Então, ha'u hakarak propõe ida-ne'e atu bá tama hamutuk iha Comissão B, ne'ebé trata assunto negócios estrangeiros, defesa e segurança, liuliu ligado ho tratados e acordos internacionais e organizações internacionais. Talvez nia pertinente atu hela iha Comissão B.

Terceiro, kona-ba Comissão ida ikusliu ne'ebé ko'alia mós ba regime jurídico do direito de petição, ne'e se bele nia tama iha assunto Comissão A nian, tanba interligado ho mecanismo de resposta automática para os direitos humanos. Talvez nia relevante liu atu hela iha Comissão A em vez de iha Comissão G.

Obrigada, Sr. Presidente.

Sr. Presidente: — Obrigado, Sr.^a Deputada.

Intervenção ikus, hussi Sr. Deputado Jacinto Rigoberto.

Sr. Jacinto Rigoberto Gomes de Deus (CNRT): — Obrigado, Sr. Presidente.

Bom dia, Sr. Presidente, Mesa no distinto Deputados sira hotu.

Ha'u foti liman desde ohin, maibé sai ba ida ikus, ne'e mak processo democrático. Maibé em princípio mak ne'e, Sr. Presidente, concorda tebes ho Projeto ida-ne'e. Hussi experiência uitoan ne'ebé iha no mós haree ba realidade no setor hotu-hotu, ha'u haree katak comissão hitu ho nia área temática sira-ne'e engloba ou reflete hotu tiha ona, só que ita precisa de'it atu considera intervenção lubun ida-ne'e, e precisa atu ajusta de'it temática sira ba comissão ne'ebé tuir pontos de vista mais relevantes.

Maibé, hakarak atu repete dala ida tan, hanessian ohin Presidente mós dehan, iha encontro líderes bancadas nian, assunto educação ne'ebé, ohin, Deputada Angelina mós foti, ita considera to'ok questão ida-ne'e. Ha'u mós kaer nafatin ba Presidente nia intervenção ohin, katak ida-ne'e la'ós fixo ona, mesmo ita aprova. Maibé se iha biban atu ajusta, então, ida-ne'e ha'u concorda tanba ida-ne'e di'ak liu para ita hein mós hussi formação Governo, e depois mak ita bele ajusta. E ha'u concorda mós ho ida ohin Presidente dehan katak iha experiência dalaruma ministério ida mai comissão rua ka tolu mak bolu. Uluk dalaruma horas mós hanessian, dalaruma comissão rua-tolu bolu ministério ida dala ida, dalaruma mós sussar atubele ajusta sira-nia horas, e hakarak ka lakohi sira tem que cumpre. Então, ida-ne'e sira mai atu hato'o sira-nia argumentos ou defende sira-nia programa ladún justo. Tan ida-ne'e mak, em princípio, ha'u sugere, se bele, ita avança ba oin hodi considera. Ida-ne'e, se bele, Plenária bele considera hodi aprova, e depois iha biban para ita bele muda fali. Ha'u haree katak cobre hotu ona questões importantes ne'ebé durante ne'e la'o hela iha ita-nia Rain doben ne'e.

Obrigado, Sr. Presidente.

Sr. Presidente: — Obrigado, Sr. Deputado.

Sr. Deputado sira hotu, ita bá duni ona iha sugestão ida ohin atu intervalo hodi bancadas parlamentares bele tuur hamutuk atu harmoniza. Atu harmoniza saida? Áreas temáticas nia colocação ne'e em cada comissão, maibé ha'u fó hanoin tan dala ida, princípio ne'ebé tem que kaer iha colocação ne'e, ida, claro que área temática sira liga malu ne'e bele tau hamutuk la sala buat ida, mas tem que considera mós para iha equilibrio iha divisão de áreas temáticas ne'e tanba afeta volume de trabalho ba comissão ida-idak nian. Por exemplo, se ita ko'alia Comissão C, Finanças Públicas ne'e, keta haluha, Sr. Deputados, tanba Comissão C ne'e atu fiscaliza execução no acompanha execução orçamento ne'e. Ne'e execução orçamento ne'e la'ós ministério ida de'it, Estado tomak nian. Ne'e imagina katak ida-ne'e dehan la todan ka?! E depois ita tau ida tan bá tan iha-ne'ebá, sai saida?! Bele-bele la halo buat ida. Halo mós kala halo bossobossok de'it ona tanba serviço barak demais. Ne'e hanessian princípio ida ho *bahasa* dehan *beban kerja* ne'e labele todan liu iha fatin ida atu bele fahe hanessian. Princípio seluk, claro ita tem que haree mós ninia... Bom, orsida haree.

Ida mak atu harmoniza áreas temáticas ne'e nia colocação, ida fali mak atu decide questão número sobra ida hussi PLP nian ne'e atu tau loos iha-ne'ebé. Sira sugere atu tau iha Comissão ne'ebé iha educação, mas educação ne'e, tanba agora iha hela Comissão F, ne'e PLP nian ida sobra ne'e tama tan iha-ne'ebá, ne'e atinge ona 10. Seidauk ultrapassa número máximo, mas atinge 10, ne'e risco ida ohin empata iha deliberações e tomada de decisões. Mas, orsida iha harmonização ne'e haree hotu dala ida para mai ita la iha tan discussão, ita rona relatório. Vice-Presidente na'in-rua mak ba facilita discussão ba harmonização.

Sr. Deputado Fidélis: ponto de ordem.

Sr. **Fidélis Manuel Leite Magalhães** (PLP): — Obrigado, Sr. Presidente.

Ita dehan ohin ami prefere educação, lae! Desculpa, atu clarifica de'it, la'ós. Ami sei haree fali áreas prioridades, ne'ebe ami sugere ba discussão a nível líderes bancadas nian, depois ami halo concertação ho ami-nia bancada.

Obrigado.

Sr. **Presidente**: — Obrigado.

Nune'e ita bá intervalo hodi hein mós líderes bancadas ou representantes bancadas parlamentares atu halo harmonização.

Ha'u hanoin la kleur, máximo 30 min, ne'e ka, Srs. Deputados? Ne'e 30 min. Agora um quatro para às 12 h, e 12 h e um quarto ita iha-ne'e fali ona. Lailais de'it, tanba problema mak ita hakarak halo tuir ita-nia *selera* ka ita-nia opinião ne'e mak ne'e. Bele bá iha Sala de Conferências ne'ebá. Ho assessor sira bele bá hotu iha-ne'ebá.

Sr. Presidente suspende sessão plenária ne'e iha tuku 11 liu minuto 50 hodi fó biban ba líder bancada sira atu harmoniza ideia sira.

Tuirmai, Sr. Presidente retoma filafali sessão plenária iha tuku 1 liu minuto 2.

Sr. **Presidente**: — Boa tarde, Srs. Deputados, agora 13h02, ita cumpre ita-nia promessa ohin atu fila fali mai depois de líderes bancadas halo harmonização. E ha'u simu relatório katak halo tiha harmonização, até iha consenso entre bancadas parlamentares. Se nune'e, ita-nia agenda ida-ne'e la precisa rai ba orsida lokraik ka aban, ita bele trata lailais de'it. Karik ohin ita halo votação para depois ita bele fahe malu, e agenda resto ne'e bele hela ba Plenária aban dadeer nian.

Antes ita procede ba votação, ita rona lai relatório hussi Vice-Presidente Júlio Sarmento ne'ebé ohin bá facilita discussão entre bancadas parlamentares hodi harmoniza ita-nia hanoin sira ne'ebé ohin ita ko'alia iha Plenário ne'e.

Rona tiha relatório ne'e, ita bá liu kedas votação, ita resolve ona assunto ida-ne'e ohin. E resto, ha'u hanoin, orsida lokraik, tanba FRETILIN iha comemoração loron 11 de Setembro, nune'e orsida loro-kraik ita labele continua ita-nia sessão plenária, então ita adia kedas ba aban. Ba agenda ohin nian ne'ebé ita la consegue halo hotu, ita bele hato'o hotu iha Plenária aban, terça-feira nian.

Ha'u fó kedas tempo ba Sr.^a Secretária ho Sr. Vice-Presidente Júlio Sarmento atu relata trabalho ohin ba encontro líderes bancadas nian hodi halo harmonização ne'e.

Halo favor, Sr. Vice-Presidente.

Sr. Vice-Presidente (Júlio Sarmento da Costa): — Obrigado, Sr. Presidente.

Boa tarde, Sr. Presidente, ba distinto Deputado sira hotu.

Obrigado, tanba bele fó confiança ida mínima no urgente tebetebes. *Kadang-kadang* ha'u tuur atu ko'alia ne'e, ha'u ta'uk liu mak Sr. «Mandati» ne'e, tanba uluk ami ne'e trata malu...

Hamnassa hussi Sr. Deputado David Dias Ximenes «Mandati» (FRETILIN).

Ne'ebe, favor ida muda tiha uitoan ita-nia seriedade.

Atu hatete katak situação mak ne'e. Ohin, molok atu sa'e mai, depois Sr. Presidente fó fiar ne'e ba ha'u, nia hirus uitoan ha'u e ha'u dehan: «Ita-Boot hili tiha ha'u, Ita-Boot hirus fali ha'u.» Ne'ebe, ne'e mós todan hotu.

Obrigado, Sr. Presidente. Ba Sr. Deputado sira, ita-nia discussão ohin naruk tebes. Buat ne'ebé iha conferência ne'ebé liubá, tuir loloos ne'e buat ida mai para la'ós naruk hanessian ohin. Mas, pronto, ne'e mak naran Plenária democrática, lori ita mai ho ida-idak nia jeito uitoan iha-ne'ebá, gosto uitoan iha-ne'ebá, ne'ebe lori ita sai to'o buat ne'e naruk tiha, to'o bele lori fali ita to'o aban, to'o mossu tan outras propostas. Mas, ha'u agradece tebes ba Plenária ida-ne'e, ba Sr. Deputado sira hotu, katak depois de minuto balu la to'o 30 min, ohin, Presidente delega mai ha'u 30 min, mas não era 30 min, parece 15 minutos. Só que ha'u gasta tiha, ha'u-nia lakon tiha han uitoan, hemu uitoan, tanba Deputado sira atu bá mós sussar la halimar. Ne'ebe, ha'u kala lakon tiha ida-ne'e, mas ha'u consegue 15 min ami hodi hetan consenso ba situação sira ne'ebé ohin ita discute naruk.

Ne'ebé, discussão ida ohin, proposta ida mai hussi Bancada KHUNTO, ha'u-nia Amá ne'e ulun mamar tebetebes...

Sr. Vice-Presidente ne'e hatudu ba Sr.^a Deputada Olinda Guterres (KHUNTO).

Nia consegue hamnassa, depois nia dehan ami concorda hotu de'it ona. Ne'ebe, ida seluk ne'e mós mai ne'e ami namtate de'it hanessian anin mak bá.

Segundo, preocupação hussi PLP, Sr. Chefe Bancada, Fidelis, ne'ebé ohin menciona kona-ba Comissão G. Tanba sira iha oito pessoas, depois atu fahe ba Comissão hitu, resto ida hela iha Comissão G. Mas, depois, concorda malu, resto ne'ebé iha Comissão G ne'e passa fali ba iha Comissão D, ho total ne'ebé iha Comissão D ne'e iha 10. Ne'ebe, depois tecnicamente iha discussão sira mai bá maka ita... Ne'ebe, lalika... Sassán ne'e nia na'in mak ita nafatin, atu 10, atu 11, atu nove, atu *fifty-fifty*, ne'e buat ida-ne'ebé na'in maka ita sira-ne'e nafatin, be lalika baulun-toos buat ne'e ida, lalika dudu malu demais ba buat ne'e ida. Na'in mak ita sira-ne'e!

Ne'ebe, oin toos uitoan bá, mas *senyum* uitoan bá *pasti* nia mamar iha-ne'ebá, nia fó ulun ba ita cabeçada e bele golo tiha mós iha-ne'ebá. Ne'ebe, buat ne'e mós borrado loos, ita foin aprende tan sassán ne'e, assessor diabo ne'e mós ha'u hanoin dehan lori computador ruma para *ketik* para ema boot ne'e atu lê liu de'it.

Ahhh, mai discute tan iha ha'u-nia sorin...

Assessor sira haksessuk malu iha Mesa nia kotuk kona-ba aditamento ba área temática balu iha comissão sira.

Ha'u hanoin dehan ha'u mak beik, mas sira na'in-rua aat liután, discute tan iha ha'u-nia sorin, ne'ebe mais complicados. Ne'ebe, favor ida, hirus karik, hirus mak sira, mas labele hirus ha'u tanba sira mak complica ha'u. Maibé, situação mak ne'e de'it, tanba ita concorda! Ita concorda educação ne'ebé ohin PLP menciona atu tau iha Comissão G, mas depois considera nafatin iha Comissão F, educação, social no saúde. Ne'ebe, buat ne'e relaciona-se.

Ne'ebe, Sr. «Mandati», desculpa, mas keta hamnassa fali ha'u, favor ida.

Hamnassa hussi Sr. Deputado David Dias Ximenes «Mandati» (FRETILIN) no Deputado sira seluk.

Ita mai minuto balu ita sa'e kedas mai leten, ne'ebe Ita-Boot mós compreende bá, favor boot ida!

Hamnassa hussi Deputado sira.

Bele hamnassa bá, mas keta hirus, favor ida.

Ne'ebe, situação ne'ebé ami marca iha discussão nia laran, iha 15 min, mak ida-ne'e de'it, ami hetan consenso ida capaz. Ne'ebe, sassán sira ne'ebé ohin discute naruk ne'e la consegue. Iha apreciação balu kona-ba Deputada Carmelita nia explicação, ohin fó resposta ba preocupação balu. Ho sira-ne'e hotu, ikusmai ami hetan consenso no fó valor ba texto ne'ebé ami iha.

Sr. Presidente, ha'u hanoin ha'u labele dada naruk, ha'u dada naruk orsida ema bele hamnassa e bele halai sala sai hussi linha.

Ne'ebe, obrigado ba Sr. Presidente e ha'u hakru'uk mós ba Aman sira iha kraik, liuliu ha'u hussu labele hamnassa, mas fó tulun mai bá.

Obrigado.

Sr. **Presidente**: — Di'ak, Sr. Vice-Presidente. Ohin sira buka consenso ne'e 15 min, mas nia ko'alia 20 min...

Hamnassa hussi Sr. Presidente rassik no Deputado sira hotu.

Nune'e, Srs. Deputados, ita começa, inicia, ita-nia Legislatura ho formas de buka entendimento ba deliberação ne'ebé ita hakarak halo. E ohin ne'e di'ak tebetebes, depois de ita discussão naruk, ita suspende 30 min, mas la to'o 30 min consegue hetan consenso. Hanessan ohin Vice-Presidente relata tiha ona, significa que ita la iha tan buat ruma atu ko'alia tan kona-ba Deliberação ida-ne'e. Se hanessan ne'e, ha'u submete kedas ona ba votação ba Projeto da Deliberação ida-ne'e.

Sr.^a Deputada Ilda iha ponto de ordem. Halo favor.

Sr.^a **Ilda Maria da Conceição** (FRETILIN): — Sr. Presidente, agora consenso ne'e oinsá? Retira as propostas ou hanu'ussá atubele claro para depois ami bele vota. Senão, dehan de'it consenso, consenso e consenso, decisão ikus ne'e oinsá?

Mak ne'e de'it, Sr. Presidente.

Sr. **Presidente**: — Ne'e mak ohin Vice-Presidente relata ba ne'e. E tuir ida discussão ne'e, nia texto ne'e hadi'a tiha ona. Texto ne'e hadi'a tuir ida ohin discussão nian ne'e.

Hakarak lê filafali ka hanu'ussá?

Tanba ohin ne'e la'ós iha texto ne'ebé ita atu aprova ne'e, mas iha nia anexo, iha parte ida anexo kona-ba colocação áreas temáticas ne'e ho colocação número Deputados hussi bancadas parlamentares, especial liu ida kona-ba PLP nian ida sobra ne'e. Ne'e sobra ka liu Deputado ida.

Portanto, la iha tan buat ida ita atu ko'alia, tanba no fundo la iha alteração ida boot liu, apenas atu hadi'a de'it redação tuir discussão ikusliu ne'ebé iha.

Sr.^a Deputada iha ponto de ordem?

Sr.^a **Maria Teresa S. Gusmão** (PD): — Sim, ha'u iha.

Sr. **Presidente**: — Halo favor, Sr.^a Deputada.

Sr.^a **Maria Teresa S. Gusmão** (PD): — Boa tarde, Sr. Presidente.

Atu aumenta tan de'it sugestão hussi Bancada FRETILIN kona-ba Comissão A, ne'e kona-ba conceito «Ética». Atu aumenta tan de'it explicação hussi Vice-Presidente Parlamento, liafuan «Ética» la precisa tau ho hanoin ida katak anticorrupção, mandato parlamentar, imunidade, incompatibilidades, impedimentos, e registo interesses, bele cobre no explica ona kona-ba ética.

Atu aumenta tan de'it ida-ne'e.

Obrigada.

Sr. **Presidente**: — Ponto de ordem: Sr.^a. Deputada Fernanda Lay. Halo favor.

Sr.^a **Maria Fernanda Lay** (CNRT): — Muito obrigado, Sr. Presidente.

Boa tarde ba Excelência sira hotu.

Ha'u, simplesmente, hato'o de'it, Sr. Presidente, tanba ohin proposta ba composição das comissões especializadas iha proponente ne'ebé hatama tiha ona proposta, automaticamente hussu ba Ita-Boot atu fó tempo para nia hodi bele retira, muito embora iha consenso. Ne'ebe, ha'u hanoin, resultado ne'ebé ohin hetan consenso ne'e tem que ser lido porque iha alteração ne'ebé muito embora ki'ik.

Muito obrigada, Sr. Presidente.

Sr. **Presidente**: — Sr.^a. Deputada Bendita, ponto de ordem. Halo favor.

Sr.^a **Bendita Moniz Magno** (CNRT): — Obrigada ba tempo Sr. Presidente.

Boa tarde ba ita hotu.

Ha'u hanoin katak ha'u mós secunda saida mak ohin Deputada Fernanda ko'alia no hato'o mai ita. Tanba ida-ne'e ohin proponente hato'o ona proposta, ha'u hanoin nia tem que retira filafali tanba ohin imi consenso ona. E hussu para Mesa halo filafali leitura mai para ita bele halo ajustamento ba ida-ne'e.

Obrigada.

Sr. **Presidente**: — Obrigado, Sr.^a Deputada.

Ha'u aceita proposta ne'e, tem que lê duni. La'ós lê hotu, mas ha'u atu aponta direta de'it ba parte ne'ebé iha mudança durante discussão ne'e.

Iha texto Deliberação ne'e, Sr. Deputado sira haree iha Comissão D nian, antes ne'e iha texto projeto inicial ne'e nove membros sai fali 10. Ne'e 10 tanba colocação Deputado ida hussi PLP nian

ne'ebé sobra ne'e, que antes ne'e tau iha Comissão G. Nune'e, momento ne'e, iha kedas início iha oito Deputados, então agora iha Comissão G hela de'it hitu, sobra ida PLP nian ne'e mai tama tan iha Comissão D hodi halo número ne'e 10. Ne'e mudança mak ne'e.

Iha Comissão C nian, harea hussi áreas temáticas nian ne'e aumenta tan acompanhamento da dívida pública, ne'e Comissão C nian. Resto la iha tan mudança, la iha tan alteração, sai nafatin hanessan texto inicial deliberação nian ne'ebé ha'u apresenta antes.

Está claro, mais ou menos, Srs. Deputados? Está claro! Então, ita procede ba votação, está bem?

Prepara ba votação, Srs. Deputados, votação ba Projeto de Deliberação do Parlamento Nacional n.º 2/IV- Constituição das Comissões Especializadas Permanentes.

Srs. Deputados, quando votação atu la'o la iha ponto de ordem.

Bom, se hakarak oficialmente retira mós, retira. Se la retira mós, desde que haja consenso, la iha tan pedido ruma dehan atu procede ba discussão. Proposta ne'e, ne'e hanessan nia dada tiha ona mak ne'e, rejeitado. Loos ona?

Halo favor, Sr. Deputado Luís.

Sr. Luís Roberto da Silva (KHUNTO): — Di'ak, boa tarde ba Presidente no mós ba colega Deputado no Deputada sira.

Ha'u hakarak hatete de'it, hanessan saida maka colega bancada sira seluk ko'alia atu retira proposta Partido KHUNTO nian ne'ebé foin hatama bá. Ohin, ami halo tiha *short briefing* iha *Conference Room* ne'ebá ne'e, ami hatete tiha ona, ne'ebe ha'u fiar katak saida maka Vice-Presidente ko'alia ne'e loos ona. Ne'ebe, agora ita halo continuação ho buat ne'ebé hatuur tiha ona, ita começa ba oin. Ami-nia proposta, ne'e só proposta. Ne'ebe, ami retira hotu kedas, ne'ebe, agora ita avança.

Obrigado.

Sr. Presidente: — Obrigado, Sr. Deputado.

Filafali ita bá halo votação. Sei iha tan inscrição? Lae.

Srs. Deputados, ita bá votação ba Projeto de Deliberação do Parlamento Nacional n.º 3/IV - Constituição das Comissões Especializada Permanentes.

Srs. Deputados, sé mak vota a favor, contra no abstenção, halo favor.

Sr. Presidente hi'it sala cartão no troca kedas cartão ne'e, nune'e halo Deputado sira hamnassa.

Iha biban hanessan mós Sr. Deputado Aurélio Freitas (FRETILIN) hi'it cartão cor azul em vez de verde tanba nia sei usa cartão de voto anterior.

Sr. Deputado Aurélio, ne'ebá é considerado verde, não é?

Sr. **Aurélio Freitas** (FRETILIN) — Sim, Sr. Presidente.

Sr. **Presidente**: — Está bom.

Obrigado, Srs. Deputados.

Hato'o ona ba votação, hetan aprovação ho voto a favor 59, contra 0 no abstenção 0.

Nune'e, Projeto de Deliberação aprovado e comissões especializadas permanentes ita constitui ona.

Antes ita fahe malu, aban ita continua Plenária atu trata tan agenda ne'ebé sei resto hussi agenda ohin, segunda-feira nian. Maibé, Srs. Deputados, karik, se bele, Plenária aban dadeer, cada Bancada Parlamentar designa ona sira-nia membro ne'ebé atu hola parte iha cada comissão especializada ne'ebé ohin ita constitui ne'e ka ita halo ona ne'e. Nune'e, iha semana ne'e nia laran, quarta-feira e quinta-feira ne'e, comissão especializada sira bele reúne ona e hili sira-nia mesa ho assunto sira ne'ebé sira hanoin katak urgentes e relevantes atu trata iha quarta e quinta ne'ebé hanessian loron destinado ba trabalho comissão especializada nian. Ne'e apenas avisa e ha'u hein katak aban bancadas parlamentares designa ona nia membro tomak atu tama iha comissões especializadas.

Ita hassoru malu fali aban, nune'e Plenária ohin ha'u encerra.

Muito boa tarde ba colega Deputado sira e obrigado ba participação no colaboração hussi Srs. Deputados no sira hotu ne'ebé ohin ajuda ita-nia Plenária no técnico sira hotu.

Obrigado.

Horas hatudu tuku 1 liu minuto 23 loraik.